



棗林雜俎 聖集

科讀

貢額

癸未禮闈三改

爭狀元遺成

南宮傳代蒙宥

庶吉士三選及貢士外官庚辰齒錄

焚闈

庶吉士一年散館

鼎甲館課

爭解元占席

會試錄序

明經

庶吉士四選

庶吉士再選

習譯監生

翰林院秀才

宥貢士三科

減場

齒錄聘二氏

鄉試論表各二

試規

附學生

羅萬化

辦李廷機失中三元

楚試不用詞林

割卷俾售

劉暹

巡撫監試

廷試策失塗注

管正傳

二甲御書

程策之悞

馮士驛

南闈謠

主考宴

解元未娶

兄弟同進士榜異姓

武生進士

重舉鄉榜

臚傳

六預鄉房

學宮祀顏子

補榜

先正流聞

三甲進士刊策

劉珠

省試專遣

程策相同

韓敬

鄉榜填悞

鬻元

會試特點同官

首輔鄉人狀元

廢卷騰聲

丁丑鼎甲

萬年曆

鼎甲並相

馮元颺

進士歸娶

宗室進士

進士同姓名

進士異姓

原姓

試錄稱臣

三氏學

廣文廢例

進士

宋濂攻苦

唐伯逸

賈魯斥佛

周魯章策笠

徐樞

李秉夢迎駕詩

楊瑄

王存忠

楊循吉定論

周廷芳

邵寶絕巫

劉大夏格言

陳察御史騎驢

王勳嚇鬼

杜了翁言行

桑柱移風社

景暘孝感

鄭慶祛蝗

徐階論士

高拱知人

徐階李春芳陸樹聲

袁洪愈貧宦

沈思孝在戍

馮少墟規鄒南鼻

周壽誼人瑞

鄒傑復姓

遠宏言事

蔡新童婢

于謙

尹恂

王恕

楊宅陳故宅

包德懷嫁故人女

陳格冰清玉潔

潘頃

李東陽佑歌

魏庠廳旁塚

朱良育不受封

熊鳳文不忌選司

毛中丞里居

胡松抄書

王勅雲母

唐樞

張居正急才

姚弘謨迎母

戚繼光

余有丁家祭

申時行李廷機薄殯

李廷機鳩工

張臣感動

唐文徵

顧憲臣寡欲

鄭繼之

唐景鳳

葉向高講學

竇子侮

楊瀚

葛寅亮督學

朱國禎秀才氣

董其昌

陳組綬結客

張焯芳

何啟鳳不負丞

藝寶

諭幼儒勅

顏子

偽書

王大全洛神賦

百家姓

大學本義稿

心史鈇函

道餘錄

李騰芳

王汝訓散資

陳滄孝紋

衛一鳳辟狐

彭應參

許弘經責子

吳道南

徐光啟

馮氏義僕

丁賓老不忘孔林

沈演四友二老

錢士升

陸夢龍

吳麟徵家訓

王朝堂死孝

宣尼遺筆

海鹽秦駐山始皇碑

嵇康真蹟

雲麾將軍碑

蘓子瞻制義

宋濂

御史試荳芽菜賦

蒲陽物史

周叙修宋史

張元楨

張東海自題像

李夢陽論文

江河伏流

王璜雲中歌

徐霖

兩京賦

張邦奇

王道書壁雜帖

國朝人物編

唐觀

李于麟閱史記

余翔

謝陞季漢書

無名氏詩

宋登春

陳于陞修史

喻應益

馮元成論文

陳植之

收書法

厄書

鍾惺譚元春

朱文公集

詩韻辨

楊守陳

李夢陽何景明

常倫逸詩

胡瓚

前李攀龍

兩皇明通紀

修誌

王慎中

夏惟訥

李于麟王元美手抄

王元美讀書後毀論

穆文熙焚書

春雪詩

明雋

北雅刊史

爭詩

王穉登

周玄暉

中秘書

纂書

文馨

洪範明義

蔣德璟日記

永和宮詞

失婢詩

續哀江南賦

爭妾詩

思陵長公主挽詩

廣孝錄

補艷骨行

棗林雜俎 聖集

科牘

貢額

鹽官談遷孺木著



洪武三年庚戌五月始詔行科舉直隸貢百人河南山東山西
陝西北平福建江西浙江湖廣各貢四十人廣東廣西各二十
五人若人才多寡不拘額時直隸就試者百三十二人拔七十
二人見考官宋濂鄉闈紀錄序鄉試錄曰小錄河南通志是年
鄉榜孫卓劉中趙斗南黃敬張堂王誼辛亥鄉榜張唯王輝李
端張翀

庚戌辛亥壬子癸丑連科開科有未及會試遂錄用者金華府志
洪武四年吳伯宗榜六年金鑄榜十八年丁顯榜紹興府志按六年

不開榜存疑可也

洪武五年鄉舉六年是科狀元莫考一云未嘗殿試徑照會試
名次選方徵王寅方毅俱進士興化府志

洪武十七年甲子三月詔貢士不拘額從實充貢

十八年乙丑科會元黃子澄狀元丁顯

衡州府志鄧偉奇子才安仁人乙丑會試第一上親製廷試

策問以丁顯第一偉奇次之俱授翰林修撰偉奇天姿秀異博

洽穎敏善屬文尤長於詩第二甲為編修吳文為檢討三

甲楊靖為庶吉士蹇瑤為中書舍人或以練安黃子澄為是科

恐未深考云

洪熙元年乙巳定南京八十人北京江西五十人浙江福建四

十五人湖廣三東四十人河南四川三十五人陝西山東三十

人廣西二十人雲南交趾十人貴州附湖廣南始開科時貴州

未附

宣德四年己酉雲南貴州始合試增雲南五人共十一人貴州

普安劉瑄

宣德七年壬子雲貴共十五人雲南十人貴州五人

正統二年丁巳令貢士不拘額

正統五年庚申定順天仍八十人應天百人浙江福建六十人

江西六十五人河南廣東五十人湖廣五十五人山東四十人

廣西三十人雲南增三人貴州增二人共二十人

正統六年辛酉增順天二十人

正統十二年丁卯增雲南二人貴州三人共二十五人

景泰元年庚午詔貢士不拘額四年亦然

景泰七年丙子兩京各增三十五人浙江、西福建河南湖廣
山東各增三十人廣東四川陝西山西廣西各增二十五人定
雲貴三十人雲南二十人貴州十人

成化四年戊子增雲南四人貴州六人共四十人

成化十年甲子增雲南五人共四十五人

弘治七年增雲南二人貴州三人明年乙卯解額共五十人

正德五年庚午增雲南三人貴州二人共五十五人

嘉靖十四年分定雲南舉四十人貴州二十五人烏撒衛浦仲

良第一

嘉靖十九年庚子增湖廣五人

嘉靖二十五年丙午增貴州五人

隆慶五年辛未增兩京各十五人

萬曆元年癸酉增雲南五人

萬曆三十二年甲午暫增順天二十六人時選貢生增貴州共

三十五人

萬曆四十年壬子增順天十人應天八人

萬曆四十三年乙卯增兩京五人浙江七人江西湖廣福建河

南山東山西陝西廣西四川雲南貴州各五人

天啓元年辛酉暫增順天二十人應天十人餘省各二人是科

山西宗生一人江西河南陝西宗生一人山東四氏學二人遼

生一人不在正額

崇禎

明經

洪武九年貢諸生二十五歲以上

洪武十二年貢二十歲以上

洪武十四年貢諸生容貌端方者

洪武十七年貢歲貢年深成效者禮部試中式入太學需用

洪武二十五年府歲貢二人縣歲貢一人

永樂十二年貢楷書諸生

宣德八年貢諸生四十五歲以上

正統十二年貢諸生四十歲以上

天順七年貢四十五歲諸生者

嘉靖十年令天下歲貢五人選其一歲貢通學考選至十五年

止

嘉靖十一年令郡縣各開貢二年仍考選

天啟元年鄉試乙榜廩生准貢

崇禎元年登極恩貢

乙亥通考各學廩生拔貢一人

己卯鄉試乙榜俱充貢不論增附

甲申各學恩貢一人

弘光元年命鄉試恩貢副榜各輸餉百五十金准貢

癸未禮闈三改

永樂癸未以請難渡江會試改八月天順癸未貢院災改八月
明年廷試崇禎癸未以邊患改八月會試九月廷試

庶吉士四選

永樂二年三月己酉選庶吉士楊相宋子環王訓王直秦政學
徐安吾紳彭汝器周忱劉子欽周文李寧張徹章朴歐陽俊盧
翰梁任熊直王道曹景暉陸孟良蕭省身劉孟鐸柴廣敬張宗
璉田忠曾與賢洪鍾洪順余學夔陳滿蕭清劉紹林鳳張憲殷
昂嚴光祖涂順段民李貞江鉞章啟倪維哲許溶陳啟宗王仲
壽李迪袁添祿李時勉楊榮 並習文 湯流王英孫奉余鼎李永
年袁通周遠鍾旭彭禮戴弘演 並習書 戶部辦事進士當塗李
衡以年少自請命改庶吉士同江寧楊寧習書
陳士啓陳經董鏞劉子敬陳伯恭陳資善趙曾趙濟劉劉尤儀

劉澄黃揚俱改庶吉士修書

五月辛丑朔諸司辦事進士能書者曾慎魏騏吳惇漆霄趙理
趙琰韓庸史彬徐觀樊靜曹彥昌陳旭田壻羅處富邢旭曾恕
王宅葉貞陳興俞禮趙濬恭潘中徐齡胡秉彝同志義俞益曹
睦楊儀鳳譚原性為庶吉士

六月命修書庶吉士獨孤樂善陳士啟蕭寬李昌祺羅汝敬沈
升孫子良褚讓吳惇魏騏陳旭韓庸葉貞趙理徐齡留院辦事
餘三十四人取選尚遠歸原籍 舊京詞林志

爭狀元遣戍

永樂四年丙戌莆田林環進士第一同邑庶吉士陳寶自負其
才疏取狀元不公 上詔召詰之對曰臣百問百答遂命學士
解縉撰百問策一道縉擬以聖門七十二賢贊：何德雲臺二

十八將將、何功為問及記里教論。上臨軒命林環陳實對
試實對曰：聖人之育才與王者之報功事雖殊而道則一也。請
試陳之。昔孔子當春秋之否，轍環不通，乃欲以轉否之責，博望
諸徒，故杏壇設科，時則有七十二賢。為漢明帝承光武之統，國
家閒暇，乃欲以教功之典，激厲群雄，故雲臺紀績，時則有二十
八將。為北魏桃李於門，墻列名姓於廊廟，天下後世稱君道師道
之極者，有以夫。今以七十二賢之德言之，顏閔冉耕雍子貢
與夫冉有季路，言偃商師其德之載諸孔論者，無待陳矣。自此
之外，去捷徑而私謁是戒，持狷介而百結是甘，有臧明原憲矣。
然遇事而不更其守，負賤而不移其心，不有商瞿顏襄曹邨顏
高者，身親賢以造君子，願學而為小相，有子賤子華矣。然既庸
俗以游，高明習禮樂以養性情，不有梁鱣漆雕哆商澤冉孺伯
爰者，身南宮适之所尚，在德漆雕開之見道，分明固不可及。其
他公孫龍后爰或學君子，或務自修，壤駟赤樂欬孔忠或道中
庸，或明家學，其有得於聖教，何如哉。公冶長之非罪，冉子季之
回長固為可稱，其他漆雕徒及鄒單榮旂或以操著，或以才名
公哲哀良孺原亢籍步叔乘或敬治己，或惠及人，其為聖門之
傑出者，何如哉。究孝弟以體悉聖心，遭患難而寵辱一致，石作
蜀有若巫馬期，白井疆縣成其人也。志不降而行不渝，俗畧細節
而守不詭，隨申張罕父黑穿左之郢，其人也。更寒暑而學不厭，
隨窮達而守如常，孰若公夏首狄黑秦商顏之僕，燕伋秦非為
仁孝修而貌如愚，龐鄙愛而志仁道，孰若高柴公堅，定鄭國樊
須為避叛兄而能潔，遵善誘而德馨，司馬耕與顏子柳耳。至於
句茲容歲，公而歲施之常，其所以聯同姓而明臣道，謂非斯人

之徒與道可明而志不屈聞詩禮而喜得三公與與陳子禽耳
至於顏噲廉潔任不齋叔仲會邾奚其所以復中正而挺高尚
謂非斯人之正與噫此聖教之所甄陶而為天下萬世之所崇
祀者也後以二十八將之功言之滅群雄除苛政與夫斬將奪
旗攻城畧地者固不乏人而其功之尤為特異者果為誰哉首
建大策以光武為必可為鄧禹壯矣然鎮守河南使民生不苦
於兵戈不有寇恂乎八戰八克以敵國為不足謀吳漢勇矣然
安集關中致百姓相安於無事不有馮異乎折衝千里彎弓三
百自古惟勇將能之而賈復蓋延正美矣憂國奉公善待士卒
自古惟仁將能之而祭遵王霸克追焉耿弇決策定計而以勝
策高天下固兵家之雄也而耿純陳俊料敵如神每出而成克
捷之勲非中興良佐乎任光羽翼太平而以威望先士卒固當

世之英也而邛彤萬修運竒掌上逐鹿而樹萬全之功非佐命
巨擘乎王梁杜茂應赤符而擊五校矣乃撫劍抵掌志驅伊吾
之北者臧宮馬武也岑彭姚期平西蜀而斬王郎矣乃善治彰
塞身負矢石之難者馬成堅鐔也景丹傳俊李忠或收戰勝之
烈或參帷幄之謀為功不同而其策立於當時者要皆從王事
於有終者也朱祐劉隆劉植或稱汗馬之勞或展運籌之功所
建不同而其効力於王國者要皆為社稷之翼衛者也然論者
謂七十二賢中有秦冉顏何冉党夫三人者將以為是則德業
聞望竒然無聞何欵意者世殊時異傳記有所差訛故若存若
亡如此耳又謂二十八將外有王常李通竇融卓茂夫四人者
將以為非則并畫於臺一體崇祀何欵意者功非草創績在方
來故推恩至此耳要之賢人君子何代無之而名世之出每待

王者觀聖賢者慎毋以七十二賢為絕德當如宋邵楊程朱諸公庶無負聖教而得與夫崇祀之列觀雲臺者慎毋以二十八將為奇功當如國朝徐常沐郭諸公庶感動帝衷而得與牙畫圖之選哉策上林環亦條答詳悉竟以廷爭違旨永成邊衛實赴衛亡何卒二子繼沒時勾補到衛輒死累及旁支嘉靖間始開免福州府志

又實諸生時上官謁文廟屬實贊禮值大雨擬拜階上實高唱曰拜下禮也上官勉下拜已升明倫堂命講大誥以難之實曰此朝章當立聽上官竟不得坐

庶吉士再選

永樂四年三月癸丑選進士為庶吉士江殷胡啟先孫迪張叔豫李岳潤陳孟潔張文選鄭復言曾春齡曹閻盧永黃獻及修

書貢生朱紳

復選進士黃安王資益黃信功黃所載鄭回趙圭陳夢京羅仲深邵輝吳文徐廷圭鄧成周煇陳實謝霖楊復王淪樂時達劉本黎為庶吉士

南宮傳代蒙宥

永樂十年二月庚午會試未場貢士張彥晒余彝互傳代策御史送禮部鞠治皇太子令翰林官閱其文平常宥之復監拔後科

習譯監生

永樂 譯字監生許應舉會試卷末仍譯書教十字場畢送翰林院定去取仍送入場填榜天順以奔競革庶吉士三選及貢士外官

宣德八年三月戊辰選進士尹昌黃瓚趙陳睿傅劉黃田祖
又乙榜貢士龍文章瑾李滄梁榮黃平陳詔田鈞李蒲王鑑朱
奎袁和林同柴同恩張承翰陳康龔理相左黃興李奈王佐鄭
觀胡如暘趙象蔣榮祖命改進士為庶吉士乙亥賜詩
十一月甲辰尚書蹇義楊士奇楊榮郭璉選前科進士能
文者徐理賴世隆吳節李紹萬洪虞瑛王玉陳金劉實鄭達方
熙潘洪何宣為庶吉士學士王直教習

己酉諭行在吏部尚書郭璉選外官有文學者明日奉引六十
八人命楊士奇楊榮試之知縣孔友諒進士胡端楨廖莊

宋璉教諭黃純徐維超訓導姜升改進士為庶吉士

庚辰齒錄

天順四年齒錄閣臣許彬子起刻兄越奎文閣典籍

進士仁和汪諧齒錄書父仲淵蓋極刑諱之也

焚闈

天順癸未禮闈火貢士焚死百十人並賜進士諭祭吉水

羅狀元倫常熟徐侍郎恪俱若有人提出之者餘杭葉御史祠
夢神告以表緋而入及濱危吏卒謂緋紳也果救免

翰林院秀才

成化丙辰科榜眼休寧程敏政

丁未科進士眉州歐鈺

庶吉士一年散館

成化辛丑科庶吉士明年壬寅八月辛丑李東陽倪岳謝鐸焦
芳陳音授編修吳希賢授檢討劉淳改中書舍人張敷華等九
人俱主事

寬貢士三科

弘治二年乙酉九月己卯貢士林潤以會試三黜故事禁入試
請寬明年特許一科

三年庚戌十二月甲戌弛貢士三科不試之禁

鼎甲館課

弘治壬戌科選庶吉士并修撰康海編修孫清李廷相俱課書
命學士梁儲王華教習先是天順四年三月丙戌選庶吉士劉
健等十五人并修撰王一夔編修李永通鄭環命學士劉定之
侍講學士錢溥教習先後鼎甲不課萬曆壬辰後選館概課
鼎甲不出序

減場

正德甲子科四川解元周洪謨

丁卯科福建解元陳俊初場俱五義

爭解元占席

正德庚午科山西解額陳臯謨第一沁水常倫次之方鹿鳴宴
倫歷階而升請與臯謨角主司慰諭占席乃退明年辛未倫成
進士授大理寺評事以酣狂謫壽州判官仍故態扶於臺使棄
官後服除起寧羌州守不赴己謁選騎出歸德舞雙刀陷淖中
伏刃死年三十三子倫醉即矢口成詞邑妓孔留性敏記立
被之弦索隻字不遺今澤潞間所傳樓居子樂府得之孔留

齒錄聘二氏

正德戊辰科探花莆田戴大賓寅仲原聘高氏太監劉瑾強以
兄女字之齒錄刊聘高氏劉氏大賓奔母喪道卒劉氏嫁閩中
士人坐瑾黨削籍

試規

宋制大比之歲每州皆有貢院本州士子皆得入試 明朝先以監司選擇之乃以入試景泰以後專委之提學憲臣

嘉靖初會場禮部條約許舉子帶洪武正韻一部表未時不用瞻天仰聖見董穀碧里雜存

科場舊規正考閱易書二經副考閱詩春秋禮記三經各不相涉見詞林典故

鄉錄論表各二

嘉靖七年戊子科江西主試

羅 刑部主事屠應

竣鄉試錄刊論表各二篇名雖舉子仍分注羅撰屠撰

會試錄序不受門生

嘉靖己丑科會試錄後序霍韜撰略曰我百執事知所以事君

乎賢才社稷之隸也聖王求才為社稷也吾臣子貪以為功得

罪社稷孰大焉是故多士進矣聖天子不用為私用我百執事

其敢曰士繇我進為吾門生而私恩乎又曰爾多士進矣服事

庶僚鞠躬誓心下衛民生上衛社稷圖報聖天子為帝臣公臣

母聽舉主樞曲阿比以獲戾社稷是爾社稷之臣也其慎諸於

戲其慎諸

正德甲戌科霍韜會元於座主不稱門生

萬曆乙未科吏科都給事中 楊東明分考不稱門生

三甲進士刊策

嘉靖乙未科進士安陽郭樸第三甲出身 上善其策命鑄於

一甲後

附學生

寧國府志嘉靖十五年知府李默著載附學生罷百人宣城八十人南陵涇太平各七十人寧國三十人旌德四十人又泗州志嘉靖初侯定訓著旣附學生三十人乃暮子弟可百人教之明年夏補諸生三十五人餘督教如舊以兩地觀之往時附學生猶寥々也

鼎甲並相

嘉靖壬戌科一甲申時行王錫余有丁

萬曆丁未科一甲黃士俊張瑞圖施鳳來

丙辰科一甲錢士升林鈞賀遵聖以上俱入相壬戌固極盛而丁未諸公頗有遺議士升丁酉歲選太學久不售考選例當縣丞而止乙卯舉北雍聯捷躋於政府

羅萬化

廷試策進呈必書法潔整隆慶戊辰科閣臣進呈上疑首卷有私於二甲卷首得羅萬化寘第一其卷書法多塗抹

劉珠董又莘

公安劉珠惟明嘉靖丁酉貢士困公車三十六年每下第輒投執友江陵張太岳詩始知相府深如海不使山人醉似泥又相府勛名青鬢少故人心事白頭多隆慶辛未科年六十六成進士珠上太岳書欲知座主小為壽先看門生雪滿頭萬曆己丑科睢州董又莘時年七十歷南京大理寺卿年殆九十視履無恙

館試斥落

正德十二年丁丑進士睢州劉淮考館試卷風吹過五鳳樓南御河邊尋得楊閣老將卷面批不謹二大字遂不取

冒籍

今甲嚴科場冒籍按宋科場嘗二年一開或四年三年一開天下舉人多就開封府寄應徐節孝先生曰二年一開不若使各路轉運司類試總一路解額解額既廣則人皆便之是可以革寄應之弊也

辨李廷機失中三元

李九我隆慶解元主考瑤泉申少師即留為館賓轉館於端安董宗伯家癸未李得會元申正當國宜以狀元予之續高文毅之盛乃拔朱養淳國祚第一李君居二有意無意予二公皆清正未可甲乙也朱國禎湧按癸未廷試申文定公以子用懋入試避讀卷則文肅所著殆未之故也九我賜第後見秀水頗快快一日秀水疾九我過候坐榻推窓庭松蟠屈笑曰予嘗夢歷

此景或曰功名在是今得之矣名次先後非豫兆耶自是惟洽無間

省試專遣

萬曆乙酉始遣京官主試各省舊主副俱教職由監試御史所聘藩司提調臬司監臨弥封謄錄受卷官皆有司例得閱墨卷有所識拔簾內毋敢違也自朝臣專遣內簾始肅又巡按御史邵梅墩監試江西令內外簾並用硃卷

楚試不用詞林

萬曆甲午科禮部推湖廣主試翰林院吏科左給事

中葉繼美上除翰林竟點繼美另用工部主事莊懋華

程策相同

萬曆丁酉科沈馬鄒德溥擬南京主考其寓邸乃霍文炳故居

害金若干坎之為巡城御史况上進所劾免官因以所擬策一道貽南京河南主考俱故人也竟以雷同被給事中劉道亨糾之南京主考左庶子朱國祚右中允葉向高河南主考尚寶司卿蔣春芳戶部主事李長庚

劉卷倖售

萬曆丙午科山陰監生鄭汝鑛舉順天第四人本仙遊選貢馬顯忠卷割牘倖售事覺監試御史李楠順天府丞題請顯忠補額禮部謂無例且未策非其策而止

韓敬

歸安韓敬嘗師事宣城湯太史賓尹萬曆庚戌湯分考搜鄰房拔敬會元時方忌湯遂見攻者衆敬免官終身不達彼其才自足博一第惜主司累也

劉暹

庚戌分考諭德趙師聖得會稽劉暹卷薦第一主司嫌首義過竒抑真第六趙固執不可遂冠乙榜謂來科必元暹終不第言及輒墮涕

萬曆癸卯江浦趙體敬丙午長洲陳元素俱擬鄉解不果
鄉榜填改

萬曆壬午科四川第六名王應熊悞填周繼昌放榜後推官楊一鵬檢舉御史彭端吾以聞有旨改正繼昌走訴京師不許主試兵部員外郎張應徵大理寺評事陳曰庭各罰俸二月先是戊子八月南場分考當塗知縣德清章嘉楨填榜四十九名詩經荒字十號悞填春秋荒字十號曹祖正榜出尋檢舉應天府尹張檟等遂不進試錄奏上祖正除名嘉楨奪俸五

月詩經卷解部覆閱

巡撫監試

鄉場監試例巡按御史或偶闕如吾浙則改巡監御史萬曆乙卯貴州巡撫都察院右僉都御史張崔鳴代監試

鬻元

萬曆丙辰會元吳江沈同和條倩筆首義又湯賓尹舊刻也放榜日一蒼頭喜甚即曰吾家中一會元又多一會魁同邑觀榜者即拉問爾一家安得兩捷乎即語責被掠微吐其情止何事敗并革第六名趙鳴陽長安以骰子戲曰斷么絕六

廷試策失塗註

萬曆己未科會元莊際昌廷試策偶塗筆以塗註不便進呈例任之果第一其後論者謂醜劣不辨之狀元遂回籍讀書蓋忌方相國從哲借許之也崇禎辛未狀元陳于泰策陽、悞易、榜眼吳偉業唐之驢騎驢悞驢上俱手改丁丑會元吳貞啟對策亦悞筆同年包爾庚戲曰兄又不辨字狀元矣

會試特點同官

天啟壬戌科閣臣推何宗彥顧秉謙主禮闈上點宗彥忽及朱國祚非所推也顧以是不懌疑秀水有他故後秀水捐館擬謚文懿朱公子爭之得文恪

管紹寧

崇禎戊辰狀元閣擬武進莊應會上閱卷不懌通拔其次抽餘卷得管紹寧策內誠字欠一上問閣臣云何對曰聖意果可點畫何礙上遂加一、真第二紹寧因號誠齋

首輔鄉人狀元

辛未狀元宜興陳于泰為首輔周延儒表弟故事會元策另封
有二錦衣官問知太倉吳偉業也另封矣閣擬于泰偉業及夏
曰瑚第一甲上如之御前拆封首輔高聲曰第一甲第一名陳
于泰常州府宜興縣人不覺汗出浹背幸上不問偉業謁周
周曰以吾當國而拔宜興人狀元天下其謂我何又語于泰曰
事有不辨而自明有辨之而後明今吾弟首膺雖辨之誰為明
我者先是周買陳氏宗人宅毀其家廟陳氏攻之實非有私也
于泰倨誕亦不執師弟禮

二甲御書

甲戌二甲第一名李昌系 上硃筆蓋鼎甲御書餘閣臣定之
時首擬武進陳組後宜興吳國華次之 上不憚嘉善錢相國
搜卷得杞縣劉理順條對詳贍但多訛字 上手訂為拔第一

廢卷騰聲

崇禎丙子南場分考尹明興聞廢卷麓中有聲即檢閱仍不錄
其聲加沸再檢再廢麓聲如初忽卷躍麓外尹異而拔之則無
錫高世泰也見世泰問其何德世泰無對同年包爾庚問之曰
向不二色

程策之悞

崇禎丁丑會試程策有云世宗之時外有火節俺答之內有
鄧茂七劉六劉七之寇夫火節在成化時鄧茂七在正統末劉
在正德中悞甚

丁丑鼎甲

崇禎丁丑廷試閣擬海寧陳之遴無錫高世泰廣昌劉大年前
列常熟趙士春吉水劉同升則二甲及讀之遴卷 上不出一

語讀大年卷色忤讀同升卷云 陛下何負於諸臣哉諸臣負陛下耳 上善之拔第一次之遊士春二甲首世泰

馮士驛

吳縣馮士驛善春秋屢困場屋貢禮部宜選司理崇禎乙亥或勸之應北闈果獲薦丁丑有孝廉來候知其馮姓曰足下今年必第矣叩之曰吾三年前寓此舍夢有人推我去云此馮進士寓所也足下適合之矣果成進士

萬年曆

崇禎庚辰科 上嘗閱萬年曆相傳姜太公著唐李淳風注每朝各四句 本朝未句 魏蘓困 注魏氏蘓其困也廷試後召對諸貢士通州魏藻德敷奏稱旨拔第一尋起拜相藻德初名 嘗有鬼自後呼之曰藻德因改名

南闈謠

崇禎壬午應天榜宦室七十餘人謠曰不要古文不要時文只要松文不用孔子不用孟子但用公子是年相傳此榜後不復試士果然

馮元颺

癸未進士慈溪馮元颺被召對 上曰天津巡撫於爾何人曰胞兄也又問五經中者爾何人曰臣胞弟

主考官

兩京主考惟順天主考賜宴本府會試主考賜宴禮部

進士歸娶

洪武十八年乙丑科探花仁和花綸
永樂己丑科榜眼定遠苗襄年十九

永樂乙未科探花閩縣陳景著年十八

正統乙丑科吳縣劉昌長寧周洪謨

正統戊辰科榜眼長洲陳鑑年三十四平越黃紱懷安謝琚博

野劉吉襄陵邢讓俱年長

景泰辛未科繁昌吳琛年二十七

成化丁未科狀元鉛山費宏年二十

弘治壬戌科海寧許元奎年三十信陽何景明年十九

弘治乙丑科榜眼會稽董祀

正德戊辰科探花莆田戴大賓年二十丹徒唐鵬信陽戴冠弘

農王言

正德丁丑科探花南海倫以訓年二十

嘉靖癸未科探花華亭徐階年二十一涇陽秦世顯錢塘孫繼

魯

嘉靖丙辰科會元趙時春年二十

嘉靖己丑科荆門羅博晉江蔡克謙梁懷仁歙縣程尚寧鄞縣

陳東

嘉靖乙未科晉江周天佐渭南薛騰蛟浦城周鳳岐

嘉靖戊戌科南海馬拯盧夢陽興化陳應奎莆田林茂祖豐城

杜拯濟南張楷餘干李春芳

嘉靖癸丑科曲陽楊一鶚峨眉苟延庚龍游陸瓚

隆慶辛未科慈溪孫成名錢若膺高平劉虞夔

萬曆丁丑科平湖陳泰來

萬曆庚辰科南靖吳宗熹番禺謝與思

萬曆癸未科永春李開藻

萬曆己丑科定襄傅新德晉江林欲棟同安蔡復一漳浦吳霖

萬曆乙未科羅山劉尚朴江陵朱光祚臨晉荆養喬

萬曆戊戌科成安王家瑞晉江林喬相進士歸娶容攷其科

萬曆辛丑科象山史起龍

萬曆甲辰科南海李待問

萬曆庚戌科昆明傅宗龍東陽趙明欽

萬曆癸丑科狀元宜興周廷儒

萬曆丙辰科德清蔡奕琛

萬曆己未科武昌彭祖壽

崇禎戊辰科宛平金鉉

崇禎辛未科榜眼太倉吳偉業

吉水解縉年十七

淳安商輅年二十

吳縣劉昌年十九

長寧周洪謨年二十六

全州蔣冕年十五

慶陽李夢陽年十八

南海馬拯年十七

銅陵余毅中年十七

定襄傅德新年十七

浙川全燧年十九

宗室鄉舉始天啟辛酉科

宗室進士

宗室進士始天啟壬戌科

朱慎登

崇禎戊辰科新建朱統鈺

列輔國中尉

選翰林庶吉士改中書

舍人給假三年奏復館員歷國子祭酒

甲戌科新建朱統銓

初名室符候輔國中尉

華陽朱奉鈞

初名鈞皆宗庶未請名至是改登玉牒奉鈞候奉國中尉

丁丑科新建朱統鑽 輔國中尉

澤州朱元輓 輔國中尉

庚辰科祥符朱朝壘

癸未科南昌朱議汧 原封輔國中尉

南昌朱統鎬

稷山朱鼎娉

陽城朱廷壻

兄弟同進士榜異姓

萬曆丁未科進士江寧徐鳳彩余大成同胞兄弟大成出繼外

祖余氏

進士同姓名

永樂乙未科兩葉恕

宣德庚戌科兩王復

正統丙辰科兩李春葉景壽

正統戊辰科兩張瑄

正統辛未科兩楊瑄劉璋

天順丁丑科兩王道

成化丙辰科兩徐森

成化己丑科兩鄭宏

成化壬辰科兩洪漢

成化甲辰科兩王溥

弘治癸丑科兩曹瓊

弘治丙辰科兩王言

弘治壬戌科兩魯鐸

正德辛未科兩王璽

正德辛巳科兩王朝用

正德丁丑科三張淮

嘉靖丙戌科兩張守約

嘉靖壬辰科兩高節

嘉靖戊戌科兩章煥

嘉靖辛丑科兩陳善

嘉靖乙丑科兩陳王道王三錫李學詩

萬曆丁丑科兩楊起元

萬曆甲辰科兩張銓一大名人永樂間

以御史殉遼俱乙亥正月二十八日生科第子女皆同亦一奇

也恭政前守兗州有登岱詩後姜士望使君重沁水勒詩於石

不知其誤

崇禎丁丑科兩陸自巖

崇禎癸未科兩王曰俞

武生進士

工部尚書劉麟廣西按察副使楊成俱武生第進士

進士異任附鄉舉

松楊王景科進士

程宗官翰林編修

成縉官

俱闈為內侍

成化壬辰科進士

黃謙官工部主事削籍善醫徐除太醫

院判

成化辛丑科進士江寧梅純以定遠知縣免歸改襲孝陵衛指揮

揮使歷中都副留守

隆慶辛丑科進士宋儒以貴州土官子冒籍定州選庶吉士改

禮部主事坐免襲麻哈州土同知

天啟乙丑進士安岳張任學以監察御史巡按河南求改武階

討賊遂改軍都督府署都督僉事河南總兵官

建文元年河南解元祥符張信以兵部右侍郎改錦衣衛指揮

同知終四川都指揮使

景泰元年山西貢士澤州侯爵以父璉征苗功襲錦衣衛正千

戶

成化

貢士王宣襲武功左衛指揮僉事

弘治己酉福建貢士楊瑛以虹縣訓導襲汀州衛指揮同知

四川貢士青神余寔以父子俊軍功襲錦衣衛正千

戶

隆慶元年丁卯福建貢士蔡夢說襲龍岩所

千戶

又閩縣林觀事文皇於潛累功至錦衣衛都指揮僉事嘉

其篤實命署禮部郎中奉使朝鮮仁宗即位勅鎮陝西宣

德初召還仍掌衛事以金吾署又部尤奇

重舉鄉榜

洪武癸酉科吉水曾秩舉江西鎮榜同輩誚之改名高乙酉又

儒士登科矢志不仕

永樂六年侯官鄭瑛以儒士薦應天癸未進士坐違例謫武當

山督役至十五年丁酉復荐湖廣

景泰四年順天解元廬陵羅崇嶽冒香河籍被革丙子復舉江

西丁丑進士歷兵部郎中

仁和汪諧竄籍順天舉景泰癸酉科被放還浙舉

成進士歷禮部侍郎

會稽陶大順竄籍順天舉嘉靖癸卯被革重舉浙江戊午科成進士歷副都御史

萬曆乙酉科北榜餘姚胡正道冒籍華亭卯改王國昌改南榜官郵縣教諭

又洪武三年詔開科內云仕官已入流品及曾於前元登科并曾仕官者不許應試而是年福建鄉榜閩縣陳信林文壽並元

進士再中式信之懷安學文壽長樂學建文元年福建鄉魁二人莆田林泰元閩縣知縣夫建文初扞詔容有之開國始事不

應沮格殆不可曉
優免廩生

廩生舊制斥退者仍追廩生甚苦之成化九年北京提學御史閻禹錫引考察斥官為比免追從之

莆田科甲之盛

莆田自洪武庚戌至嘉靖戊子凡五十二科鄉舉千一百一十一人甲榜三百二十四人狀元二人探花四人會元一人解元二十五人宋時進士九百七十餘人諸科時奏名凡六百四十餘人大魁五人宰相六人

原始

鄉報急足始嘉靖其昔舉子自備青袍後官給不知所自

選歷科程墨始萬曆庚戌錢塘錢穀、號豐寰膺貢官曲靖知府會試房刻始萬曆壬辰

臚傳

鼎甲臚傳訖出長安左門京兆候迎謝恩畢宴堂上南向京兆
北向席特盛用太常樂仍謝恩出京兆送歸私第茶別狀元同
鄉宦京朝者例邀京兆燕之榜眼探花不預故事御批一甲三
人卷用玉管筆拆卷在中極殿左

庶吉士到院閣臣送入錦衣衛真宴亦太常樂

程錄稱臣

鄉會試錄序皆稱臣外省則否以兩京輦下外省則考官所自
序也萬曆初上摘此以問閣臣欲罪之江陵具言其故乃止
後各省錄序俱稱臣

六預鄉房

武昌教授陳觀子瀾永樂丁酉應天分考癸卯及宣德丙午預
考江西福建調荊州又預考江西福建正統辛酉又分考應天

凡六預鄉試

三氏學

國初立孔顏孟三氏學設教授司教授一學錄一學錄即孔氏
裔為之正統甲子始命宗生聽學使考入棘成化元年許三年
貢太學

學宮祀顏子

兗州滋陽縣儒學祀宗聖顏子之神與天下各學不同陋巷志

廣文變例

天啓丁卯杭州府教授饒曰梧求計偕教授從九品例不會試
曰梧謂初受秩吏部給邊現在也上官不能奪被劾去

崇禎癸未八月許應天府教授晉江河九雲會試俄登第

補榜

崇禎庚午浙榜仁和尚觀法二字填補向未有也初潘生館尚
氏冒姓尚觀升補諸生是年同雋主考黃道周嫌其昆季以觀
升改觀法觀升走訴京師觀法除名先是隆慶庚午山東諸葛
一鳴讀書山中見人展一牘云天榜也問以自己名曰爾在下
科一鳴求增入許焚楮帛虔謝果秋捷謂前事誕不足信又計
偕見前人曰若累我蒙譴矣一鳴不聽禮闈懷挾被斥事相去
一甲子遙相類觀升少年誕肆屢困有司遂悒悒不自得以死

進士

進士不可太少不可過多太少則雄州劇邑不能充而無所彈
壓過多則不相貴盛而塞舉貢之路嘗見鄧亨如著議以為甲
乙不甚相遠請每科鄉試計偕即奉廷對間擇其甚淺鮮無當
者置之使仍就鄉試而其存者即盡以甲次授之官庶幾用其

盛銳之力不使疲精神於帖括無用之技且使士不以資格待
士而彰輝明士不以資格自負自矜而驕怠不作又可以省公
車數萬之費其論博矣然士子學有淺深才有高下譬諸草木
區以別矣甲科之設所以廣厲鼓舞使天下之士精進勉力而
不能自己前人立此良有深意周禮命鄉論秀士升之司徒曰
選士司徒論選士之秀者而升之學曰俊士曰造士大學正論
選士之秀者以告於王而升諸司馬曰進士王者豈故為此繁
縟哉重爵祿辨官才如不得已用人之道也士取其秀豈專盛
銳哉今之諸生即秀士也應舉者即選士也舉於鄉者即俊士
也進士即升諸司馬者也進士之名來自成周定自祖宗惡
能廢諸盍請以後會試每房取正榜十人再取乙榜二十人正
榜正之一百八十人乙榜合之三百六十人正榜則上親試而

分三甲仍照選資乙榜則請以六十人任州以二百人任縣以
百人為博士長其京官則盡以陞任不以初除凡棟選就教等
項一切除去舉人五科不第皆不得再就試乙榜有不願就者
錮之終身此法比之享如所議庶幾不甚扞格 馮時可

先正流聞

宋濂攻苦

宋潛溪先生集有送東陽馬生序云自幼嗜學家貧無書每假
借藏書家手自筆錄天大寒研水堅手指不能屈伸弗之怠錄
畢走送不敢逾約既冠趨百里外從鄉先達執經問道先達德
隆望尊門弟子填屋室立侍左右俛身傾耳或過其叱詫色愈
恭不敢出一言俟其欣悅則又請當其從師負篋曳履深山巨
谷中窮冬烈風雪深數尺足膚皸裂不知也至舍四支僵勑膝
人持湯沃灌以衾擁覆以乃和寓逆旅主人日再食無滋味之
享同舍生皆被綺繡戴朱纓寶飾之帽腰白玉之環左佩刀右
佩容臭燁若神人而已溫袍敝衣處其間無忤色 云 噫先生
攻苦如此讀一過寸陰勤渠凜凜在目

周壽誼人瑞

高皇帝召耆老謁見崑山周壽誼居首年百十六歲賜宴及鈔帛壽誼生於宋而鄉飲於洪武六年其六世孫震正德中令鄱陽出人瑞卷士大夫題咏盈尺上海陸子淵先生深以編修使既跋其卷曰三代而下惟宋失天下為無罪惟元興最為事變嗟乎能夷人數百年宗社於強弓健馬之間而不能禁一老坐觀其子孫復觀天日何其快也若壽誼公之壽足以繫興亡之故豈淺鮮哉且手挈華夏之禮以還華夏之主於克華夏之日何其奇也公六世孫震字世亨以名進士筮仕鄱陽令嚮往未艾是能輔昆華夏之道以昌公之世者則又不獨為壽而已矣世亨其懋之哉

唐伯逸

南昌監生唐伯逸洪武七年任仙居典史嘗謂取民財如取鷺鷥股上肉誠心愛民一塵不滓仙居縣志

鄒傑復姓

洪武九年六月科給事中鄒傑於東閣奏臣祖孫福謙陝人也出守嘉興元亂航海舉家溺於登州臣附餘板得活傭于鄒義時年十四養為子冒其姓今貢成均進用乞復姓孫氏許之諭毋忘鄒氏

賈魯斥佛

廣西宜山賈魯洪武辛卯貢士授崖州學正改瀘州性不喜浮屠圖訓子經約皆儒業諭以沒後當依家禮毋作佛事否則必禍汝後魯卒子迫於姻黨召僧設醮事訖焚楮忽飛烟焚其室平樂府志

遼宏言事

錢塘遼宏弱冠時以郡諸生言時政得失上說之試秋柳賦稱旨賜歸後選貢終松江訓導錢塘縣志

周魯章袁笠

新喻周魯章文瞻洪武末舉明經召為選部主事不就上賜袁笠令歸教民稼穡因號明農隱逸臨江府志

蔡新童婢

崇德蔡新父為人醜死新誓報奮擊之下獄十三年家童阿小年十五禿髮稍識書籲天求白主冤積麵作餅携之乞食至京擊登聞鼓歷十三疏始得白初阿小北去家僕婢二人謀逸婢攘臂曰主母斃時吾二人若可去吾當終事之日刈草二百斤半供紡半曝之待風雨即孝女不啻也永樂癸卯新舉於御

官臨淄令厚膳其婢年至九十二

崇德縣志

徐樞

松江徐樞叔拱太醫院判宣德元年省墓上憫其老詔出宮

人陳氏借內官陳福袁亨給事明年致仕後沒三人皆從葬

于謙

于少保有寄內弟書云薄俸五錢

地師某云少保祖墓當奇貴不可言少保即馳書其子令遷葬另一緘後遷葬訖啟視子冕得書移葬如命始啟緘則述地師事也不半載遭禍今書稿藏於家張元祐說

李東夢迎駕詩

土木之難李東夢從往既歸進戶部郎中夜夢作詩送楊鴻臚善迎駕天恩寵渥作益梅迎復上皇出紫臺群虜潛踪歸朔

漢六龍回駕入蓬萊明日以語同官次年八月而驗曹縣志

尹恂 尹直兄

尹相國文和直作兄恂墓志銘云以靖州衛吏任順天湯山草
蕩大使廣東迴政巡簡司巡簡成化元年正月十六日禦死
夫尹氏歷城人吏賤役必遠隸靖州又最下秩且戰沒不求卹
先輩雖穹貴于戚屬無私厚其戚屬亦無望其私如此今終入
科第戚屬借粟監例負輒思丞倅京幕羞以吏進矣故錄之以
存古道

楊瑄

浙江按察使楊瑄豐城人成化中築海鹽捍海塘堅壯有碑不
存邑人仇俊鄉曰昔呂梁碑磨泐可認者止三十六字人皆惜
之想見禹功而楊公之勒一字無存感更為深自不能氓當知
繫人心者不在碑之有無萬曆乙亥僉事晉江陳詔來修塘入
公祠不揖背像而坐止何詔口作公語曰我堂官也汝敢無禮
我將殺汝尋疾作禱之始愈海鹽縣志

王恕

王端毅家宰曰有御史李興巡按閩中酷刑殺人至三原斥公
名而嘗之後罪人多罪當又御史韓雍值點郊齋入部堂中道
呼公名時議輕薄當斥公奏興雖酷無私可免雍直而有才可
超遷從之崔銑詠

端毅配蓋夫人繼張氏文氏並贈一品夫人按成化四年南京
御史楊智等劾南京刑部右侍郎王恕不顧名節託本部郎中
黃紱娶劉指揮妻文氏為繼室云夫以端毅之賢言動不苟
臺梓風聞斷不足信

王存忠

仙居王存忠成化丁未進士歷御史知府無錢市靴詩云
分付兒曹休指望好將芒履印蒼苔其清苦如此仙居縣志

楊守陳故宅

楊文彞故宅在鄞縣南二十里鏡川初未登仕至公兄弟俱顯
接籍蓋七人有野叟獻詩曰昔年曾向此中過門巷幽棲長薛
蘿令祖先生方振鐸賢孫學士未登科將軍曹氏墳連壘賣酒
王婆店隔河今日重看新第宅烟波緩棹聽弦歌公嗟賞不已
謂叟曰此詩誠吾家傳也當珍藏以貽後人欲厚幣酬之叟固
辭而去

楊循吉定論

楊南峰先生作子昏鞭屍論夜聞山中鬼哭曰腕可斷筆不可

包德懷嫁友人女

蘭溪通判鄭瓘溫鄉記鄉先達包侍郎德懷在京與同鄉胡主
事文善主事疾革往訣主事止一女以托侍郎曰諾既主事與
妻相繼沒於京邸侍郎抱婦其女囑其妻育之如己女後女長
擇婿祝氏將嫁侍郎居與主事相去二十里其故宅猶在乃先
令人以竹簾分隔其廳事為三間已處左妻與女處右中設主
事神位至日備祭告嫁事命女拜已侍郎長號慟哭然後行聘
遣嫁奩具皆備金華府志

周廷芳

蘭州周廷芳小泉守墩卒也一日讀大學有悟遂究五經篤信
力行恭順侯吳請教其子對以往役則可往教則不可志
節高峻言不空發呂涇野集

周鑑

周鑑字孔明麻城人正統乙丑進士授御史出按江西有大學士陳循子不法鑑論之死遷雲南副使九年不遷鑑所至汰墨理枉仍開寶泉壩積水溉田多至數萬頃後考績入京行舟中舟覆幸亡恙陞山東按察使致仕還鄉人布政李正芳僉事董應珍並有雅望邑令立耆老堂凡大事輒咨此三人也

陳恪冰清玉潔

歸安陳大理恪以方伯家居歲歎饘粥不給薦者謂冰清玉潔孝宗題此四字御屏

邵寶絕巫

無錫邵寶國賢知許州弘治癸丑五月鄭州某鎮地方陷若干丈水溢民爭禳之六月許州小趙鎮有巫言龍骨出土中誑言

禍福邵以惑眾毀其骨督學江西携試牘歸家久而紙焚穴地瘞之

吳翰詞

吳翰詞字子修應山人嘉靖庚戌進士知東陽縣清約節愛不附權勢民愛之拜御史任事不避艱險按雲南風采卓然當是時嚴嵩勢張甚御史報命不勝賂翰詞遂乞告杜門結友性耿介方直一介不苟燕居整肅宗人亦不敢近舊居數椽比年斂以敝椽今東陽雲南皆有祠

潘頃

淮安潘中丞頃丁卯舉於鄉罷守趙公俊書聯取功名富貴屬對頃舅氏少司寇虛齋葉贊過而見之歎曰逸出門便教以功名富貴頃聞教悚服

蔣信

蔣信字鄉實武陵人諸生時貧甚郡守憐之令捧詔屬邑例得
津贈信却之壬守仁龍場之謫道武陵從學然自有所見不盡
至其說貢南雍祭酒湛若水伴王諸生教事嘉靖戊子舉南榜
壬辰登進士歷官兵部員外郎四川僉事貴州提舉副使以征
南捧檄即往河北議兵餉不及辭御史謂擅離職削籍歸不問
生產關桃源精舍與郡中子弟講業其教人大抵主慎獨篤倫
修行明理通世務在桃窰十八年、七十七卒臨終賦詩歸去
桃窰十八年歌游多在萬桃間萬桃於我浮雲耳願借西風吹
上天投筆而逝世稱道林先生所著耕言若干卷

劉大夏格言

劉尚書東山先生曰財貨須務農服賈凡力得者獲用其餘易

致之物終非己有子孫視之亦不甚惜况官貨恃入者乎

李東陽伯歌

李西涯飲陳都憲德鄉魯司業振之邵太常國賢崔即中世興
何即中子元等酒半李曰國賢吳人振之楚人聞皆善歌、以
相和可牙遂出近詩數十首俾歌之陽春堂集

陳察御史騎驢

常熟陳察明遠任御史按蜀乘驢布按皆跨馬減其驢從按御
史出巡舊騎馬後乘輿不知起於何時或成化後事浙有舉子
王化大帽見按臺某、呵之問所起對曰即起於大人乘轎之
年

魏庠廳旁塚

崑山魏庠子秀納賢任光祿寺典簿其廳事旁有荒塚邑令郭

楠造而問故對曰其子孫欲售之久矣予之直彼不以治生而棄骨於水火故寧存之今歎曰杜氏之墓存西階古人之義也不意今日復逢於君咨嗟良久而去 歸有光集

清吏張守約

張守約字彥博岳州人嘉靖丙戌進士知華陽縣歷崇德遷南評事守正擢知誰安誰安素難治守約遣孥歸單車携二蒼頭之任闢園植蔬自奉儉約禁絕官市常俸貯之帑間出以賑困之性嚴峻蓄家人少思二蒼頭日啖脫粟教令鵝衣拮据憤恚不得逸一日乘守約寢刺殺之僚吏聞變急來視守約息僅屬瞑目語之故遂死檢所遺惟二敝篋中書數束敝裘數襲而已衾褥帷幃咸綴浣汙裂靡堪御者二蒼頭竟伏法 朱良育不受封

吳縣朱良育積學不第膺歲貢子鴻漸進士官主事貶封不受竟明經沒

杜了翁言行

廬山老儒杜了翁 曰道不論語言忠信行篤敬求之四十 年未有得或曰道豈言行盡耶曰言行君子所以動天地也若 外言行而講道吾不願聞時王陽明先生倡學東南了翁不至 熊鳳文不聽選司

熊鳳文以 推官行取不聽選司太常許進曰推官能不詘 滕文選令為御史肯畏強禦乎竟拜御史

桑桂移風社

平涼桑桂成化 貢士官大名通判廉靜好古與同邑彭會 趙天錫 移風社序曰平涼山水秀拔人習淳朴業惟耕讀確

有古風比年喪亂不古俗信浮屠誰惑於始死及七、百日期
年除喪飯僧道及作水陸大會寫經造像云為死者減罪生天
受諸快樂不為者必入地獄剉燒舂磨受無邊苦是以貧者弗
獲慎終惟備神馬楮幣齋糗蔬果經費之費力不能逮則淺士
經年虫蠹鼠穿富者忘哀作樂談 餽金飾備備器務為繁勝
傾家破產迷惑不悟殊不知生含血氣知痛癢剪爪剃髮而灼
刈之已不知苦死乃離形腐於黃壤與木石等神則飄若風灰
雖剉燒舂磨將安施乎然浮屠所謂天堂地獄者蓋以勸善懲
惡耳世人親死而禱浮屠是不以親為君子而例視為積惡有
罪之小人何待親之薄耶縱使其親積惡有罪豈 浮屠所能
免乎此明智者所共知而愚夫淄、奉信風靡無已桂 等生長是
邦讀聖賢書浩歎願風思與易之相為立社名曰移風嗚呼風

不可移也所可移者人心耳人心雖為頽俗所染而天理之在
人心終有不能泯者能以吾心之天感彼之天則澆必轉淳邪
可變正魯謂風不可移哉凡我同志敦崇禮義毋懷彼此母間
嫌隙凡遇鄉隣朋儕之喪務為天理開導法語匡直斷以朱文
公禮制為準熄佛老尚哀戚貧者喻以義富貴制以理其間古
今異宜斟酌輕重一求合於中正黽勉戮力人心欣動舉知為
美始而正一家之風終而正一國之風何患禮之不復古哉雖
然士君子立身進則有功於君退則有功於民矣獨喪禮耶患
難相助疾病相扶道義相尚志行相勵過失相規使行業齊於
古人芳聲耀於當時而天下之風亦可移矣夫子勗哉

韓昌

韓昌洪洞人世醫昌精其術不計賞施藥先貧後富嘗見御者

卧道中憐之診其脉傷寒為移燠室藥之汗愈乃行資以粥米
洪武初避兵岳陽山中遇異人授以秘術遇疾不俟診視望之
而决生死時稱神醫孫肅七歲誤吞針釘昌曰此兒不死毋憂
也三年而出他日且生貴子後釘果從脇下出已生文官戶部
尚書

毛中丞里居

陽信毛海隅先生 思義以南京督儲都御史致仕呂涇野先生
柵問公歸邑居乎曰然茆屋數間對縣學呂曰久官何尚茆屋
曰自官主事來俸餘一二十金歷三十年婚子四嫁女二又親
喪久外未治室也呂曰公歸亦何樂曰予師張先生尚健友人
董某姻家王某並尚在與割鷄漉酒以熙餘生耳 涇野集

景暘孝感

上元景司業伯時 暘母陸太安人晚瞽數年所至求醫卒得金
針復明昔庭萱復大如杯初司業涕泣樹萱曰萱花母療三年
不花至是花頽

胡松抄書

滁州胡栢泉太宰少負無書時借抄手輯名臣奏疏置枕曰
經理天下在是矣

鄭慶祛蝗

嘉靖九年進士長樂鄭慶有章知滁洲夏至除及秧有蝗自西
北來蔽天日丘陵墳衍麻沸所至禾黍輒殫民男婦奔競蔽野
君簡勤敏吏民十數輩部分之令各詣蝗所打捕張幟縱金舉
火開整又嚴為禁防俾勿擾蝗為哀其冬下令國中曰蝗善滋
土必遺種茲不極害將何極其發子母俾流毒於我茲土得止

算明年蠶果生息至蕃遍野復令歐捕如往年法加密諸庶人
在官者悉罷遣如初僅留門子一人侍又下教曰有能捕蠶斗
者官與穀五升石者與五斗以是人爭捕得蠶數百石蠶倍從
種幾殄絕有秋當其時雖不能微怨謾而潛膏隱澤其被與要
不斟矣徐州志談遷曰崇禎辛巳嘉興亦募民捕蠶與穀竟升
合不給
嘉靖丙午延津大蝗有司遣人捕之廩生周官恐人不盡力乃
自白於人有能捕蝗一石者即與錢百文人爭捕之不旬日以
錢百千買蝗千石邑境蝗不為灾延津縣志

王勅雲母

歷城王祭酒勅少得道術後督學河南試諸生見白雲出山急
遣人十數里外視雲落處掘得白石如雪歸切片煎為腐甘美
非常曰此雲母也勅字竹泉

徐階論士

徐文貞公曰欲觀士大夫名節但不聯姻富室不接衽山人便
是端莊之士馮元成集

林思承致仕

莆田林思承官淮安同知致仕所親止之曰公旦夕金紫矣思
承曰心苟知止

唐樞

歸安唐樞一菴先生論博施於民而能濟眾重能字蓋人亦有
施政不善也

今人但知顏子不校難及不知一犯字學他不來弟子請曰何
謂也曰顏子持己應物決不得罪于人故人有不是加他方說
得犯若我輩人有不是加他必是自取所謂夫人必自侮然後

人侮之也何曾是犯我輩未須學不較須先學他犯字李樂見聞雜記

唐順之

唐荆川先生論易友有吉函大象獨言吉此聖人示人直入聖道路也

高拱知人

高中玄相國署吏部日戊辰進士選秀水沈思孝等八人分屬廣東俱自贖得之並歷侍郎其一中丞沈繼山先生說

張尚書學顏僉事時賫捧入都相國一見喜曰今日得一督撫矣錢御冷說

張居正急才

張太岳編修時本院公譙演千金傳奇至蕭何追信凝視久之同列以專注譴之答曰君臣將相遇合之難如此毋得草草蓋

江陵意自有在非同戲謔

山陰吳允環洲出高文襄之門以器識見重時輒咨訪呼為吳學究蓋水滸傳中智多星也俺答孽孫那吉初降文襄議同江

陵以問允曰可受之有喻於此如麵二石作一大饅頭須大釜

大籠文襄意遂決後文襄罷江陵盡斥其黨獨允不廢或媚江陵刺及允江陵曰吾固悉之但難其代累遷少司馬而速把亥

擾薊鎮江陵語家宰為吾致吳環洲能出鎮乎允聞之曰某効塞上久犬馬猶暫息之相公猶未忘我耶江陵得報曰否此

原環洲意可再質之家宰告允謝曰往疏雖及此第薊鎮戚繼光遼鎮李成梁兩大帥未易節制須尚書銜江陵曰不可第

往勿憂不尚書也允出鎮薊遼事定果進尚書終江陵允無纖芥之嫌錢御冷相國說

浙江缺督學選人以其人擬江陵勿首肯選司却席請問曰其
沁水劉東星乎東星在浙藻鑑得名歷德河工部尚書

張藐山先生說

徐階李春芳陸樹聲

青浦慧日寺落成少師徐存齋階啟東坡解帶事奉世廟所
賜蟒衣一襲付僧圓智留鎮山門因賦一絕單衣露冷宿曇華
暎宿宮袍傍帝家拈向山門君莫笑細看還是舊袈裟萬曆丁
酉大宗伯陸平泉樹聲年八十九出衲衣一襲手書偈曰解組
歸來萬慮捐盡將身世付安禪披來戒衲渾無事不向歌姬為
乞緣嘉靖丙午李文定春芳將入秋闈宿白容寺題壁年
山寺聽鳴鐘正馬西風憶遠公他日定須留玉帶題詩未可着
紗籠及入相歸解玉帶留鎮

姚弘謨迎母

秀水姚少宰少孤母改適登第後迎養於家

袁洪愈負官

長洲袁安節清介絕俗雖善噉負不屬饜每市覘佐酒可竟斗
許門生嘗餉十金輒三分之袖其一乘月步贈窮交其負多由
此訪王元美留竟夕俄接家報中嘆元美問之方負二十金
見迫即代償之以盡其懽後解南太宰薦元美自代元美起南
少司馬嘗戲之曰吾生平此二十金用得着喻叔虞說

余有丁家祭

鄞縣余相國文敏父永麟幼穉時育於小江里余氏後鄉舉歷
蘓州通判生文敏既貴當贈三代莫知所自出不得已贈永麟
所後父憚之及鏜而命子孫家祭自蘓州公始禮以義起也
文敏少從宦蘓州慕崑山歸有光名將師之不果嘉靖乙丑文

敏以編修分闈拔有光第二

沈思孝在成

萬曆丁丑沈比部純父劾江陵奪情成神電衛游某山剝蘇見
石刻翠巖亭三大字旁題謫仙三百載此樂有誰傳鐫宋某年
月日因推今日正三百年也巡臺徐時可欲辱之示期閱武純
父短後衣橫矛踞罵於演武堂遂不至總督臨武劉克誨檄高
州同知劉石令以成見純父應役中道止之環召時總督長樂
陳瑞得報方啜茗失甌碎地責中軍曰城內有謫臣何不我告
亟通帶起履且致賀必求面純父行迫不往遣蒼頭報謝賜茶
中堂語次泣下姚叔祥說

戚繼光

戚少保鎮薊門駐三屯營最久經畫周詳有祠總兵尤繼先之
任不拜祠 除夕公庫災獨題梁又銀牌存牌重五兩題梁
年月少保所記也繼先歎戚公神人刑牲以祭

馮少墟規鄒南鼻

鄒南鼻 元標 居鄉好言事操月旦長安馮少墟先生嘗戒之絕
不與聞一事

申時行李廷機薄殯

吳縣申文定相國捐館屬其子太僕用懋曰先人殯並非川水
勿貽我媿

晉江李文節相公捐館門人蔡太守善繼議用川水李夫人曰
相公一生清節嗚身後棺止具六兩不敢背其治命

李廷機鳩工

李文節宗伯時語李湘洲祭酒 騰芳曰國家工役切莫先估計

估計皆內相大臣為政彼但索已索故一倍至二三十倍吾不
先估計且孟浪起工彼雖日有所需然不能計成數多少工止
而彼散矣更無積聚錢俟彼分贓

趙大華

萊陽趙大華任鄆陵令邑民以不紡績大華勸諭夜行潛聽有
紡績聲以良民勤紡四字識之次日呼至賞棉花五斤自此得
紡之利及今永賴

李騰芳

李湘洲曰每見士大夫一捐館舍其子弟向人徃、稱外侮人
亦為之傷世態之炎涼歎人情之惡薄予以為不然君子生則
人敬沒則人思彼寂寞於生前而榮華於身後為人尸祝俎豆
者何人哉人必自悔然後人悔之向使恃位挾勢欺凌侵奪人

無奈何直待其子孫方與覆筭此所謂悖出悖入出爾反爾而
稱外侮非矣

張臣感慟

麻城梅衡湘中丞國禎筮仕固安總兵張臣過邑彼宿將逐虜
棒槌崖殪數千人時繩其冒功公獨加敬張驚問荅曰棒槌崖
之捷從來未有我敬子以天下豪杰非以其官也張不覺大哭
伏地嘆曰某一生血戰 天子不知大臣不錄今公獨知其雖
即刻死公前不恨

王汝訓散貨

王侍郎弘陽本富室以父防盜晨夕不安勸散其貨於親故十
去其五父得夜息侍郎後益貧授徒里中自給室不能牖填輪
通照農具雜陳了無官緒 張藐山先生說

唐文獻

上海唐柳所先生署翰林院篆沈四明當國移檄求印輒稽之
雖四明不快然無以奪也內計明有所去留並未嘗請命錢御
冷相國說

唐謚文恪所謂易名之典仍犯其名何也宜如陳莊請文例易
之

陳滄孝紋

淳安諸生陳滄父性嚴事之甚謹廬墓三載奉庶母如孀撫庶
弟孤姪晚歲手紋成孝字山陰王思任題孝紋堂

顧憲成寡欲

無錫顧涇陽先生少時讀養心莫善於寡欲反之寡欲莫善於
養心最有味

衛一鳳辟狐

陽城衛相陽大司馬前守青州有樂婦崇於狐聞鼓聲堂上曰
尚書正人也義不敢近

鄭繼之

襄陽鄭鳴峴太宰留意品鑒典銓時殆八旬於士流素履口誦
不爽

彭應參

萬曆甲午光山彭侍御按浙風裁峻厲不畏強禦烏程董尚書
份 范祭酒應期並怙勢杆網繩其悍奴范至自經董啖其
婦吳氏訴于朝詔逮侍御後放歸

詹景鳳

詹中岳任南京吏部司務凡部曹謁總憲私第例趨左門惟銓

即於儀門外延於別館唐謁右都御史海公瑞獨拱立直馳中道抵門騎閣而言曰敝曹統領諸紳闈左右門以奔走人而奔走人左右門如體統何其浚復詢海公事唐切責之

許弘經責子

東陽許少微總憲還里鄉人送柴問之云例也召責其子私權杖之

葉向高講學

葉臺山相國講見鄒南阜論學曰公講孔孟余只誦閻羅王鄒問其故曰不佞老矣填溝壑之日近苟有欺君悞國傷人害物招權納賄等事於閻羅王殿前勘對不過者皆不敢為鄒笑而是之

李九我相國晚戒文筆福清欲效之李曰子效我殊難我面嚴

吳道南

崇仁吳文定相國語嘉善錢太史士升曰若初入詞林須記三事不礙試目不受門生不出游庠保名節

竇子偁

竇子偁可揚按察兩浙劉毅敏決雖婦孺知其名遷右轄以御史沁水孫居相薦之時方指居相東林黨魁也歷官守法不附一廉如水竇自是挂議解官去不復出子偁萬曆壬辰進士

徐光啟

華亭徐文定初以右春坊右贊善兼道監察御史監軍出第卒特授僉從不備自募人肩輿

楊瀚

陽城楊瀚神觀頽偉萬曆舉於鄉寧寧遠為盜藪治尚嚴

細道不拾遺調良鄉亦縣衝瘠其治如寧遠而稍馴之民犯博者褫其衣給驛卒自題門帖曰門如市心如水一塵不染提詩起放得下百事敢為奏最限乙榜量移南京大理寺評事在時為右遷尋致仕素善酒嘗飲邑令張文運張連浮大白歎曰令君可人

馮氏義僕

華亭馮御史恩次子可家幹馮良託以筦鑰可歿子大夏蕩廢棄其家依妾金陵十餘年不得歸良每歲收田租易金即篋藏之不私一錢良久覓主歸以所積萬金還之大夏遂為富人後大夏歿諸藏金為他房瓜分良又不取一錢人稱其學良子三皆諸生孫明玠天啟壬進士歷御史良原趙氏

葛寅亮督學

錢塘葛此瞻大理前督學湖廣每行部謁孔廟輒命諸生講書次第數十人默定優劣有講回之為人也節聖人撒手是道賢人差一地位故拳服膺葛大賞之

丁賓老不忘孔林

嘉善丁清惠尚書年八十八崇禎庚午三月特北謁孔林償宿志

朱國禎秀才氣

丁清惠與烏程朱平涵相國善謂其居台鼎猶秀才氣象相國笑曰原是老秀才近來庶幾葉臺山無閣老氣朱氏世改革相國不值產曰我何敢忘祖宗改革守藏時事乎

沈演四友二老

歸安沈何山尚書作四友二老圖身與王太宰永光畢司徒三

才李宗伯騰芳曰四友與張總憲延登曰二老俱萬曆壬辰榜
崇禎初起家

董其昌

華亭董玄宰宗伯坐部堂上朝鮮貢使謂為異人夏給事子暘
使琉球歸求董書貽其來使

錢士升

嘉善錢塞菴相國先號御吟曰士大夫居鄉止宜杜門不聞一
事若曰欲作好事便開罪端蓋身非有私而因緣旁入安能預
察而盡中其弊耶

好人之所惡人之所好是謂拂人之性若好人之所好惡人
之所惡亦拂己之性
經正則庶民興史熟則名臣出
以上俱面說

陳組綬結客

武進陳伊菴官兵部

結壯士千餘人皆漁陽大俠時

勞以金帛及卒或欲收其客為列校客曰我等激於義為陳君
效死豈肯仰文吏鼻息耶哭其喪而散

陸夢龍

餘姚陸叅政夢龍好談兵先是黔中閱軍令七校各魚貫進身
坐貢院門禁闌入初軍多更番通應至是術窮第七軍高拱北
稱四百人閱試止五人立斬拱北先後汰萬人

張燁芳

山陰張燁芳曰人而無友不如仇也亦足衿人眉宇間露惰
氣按燁芳居隣陳都諫爾翼都諫焰熾時大不能堪俄都諫
以黨敗燁芳成進士嘗演魏忠賢諸劇陳隔聽亦不能堪燁芳

官給事被謫壬午補翰林待詔道臨清值北兵匿於道院發其
裝得進賢冠徑尺令諸人戴之俱不合獨宜於張被殺贈太僕
寺丞

吳麟徵家訓

海鹽吳忠節家訓曰莫道作事公莫道開口是恨不割君隻耳
朵揮在人家聽非議莫恃築基牢莫恃打算備恨不鑿君隻眼
睛留在家廟看興廢

熟讀經書明晰義理兼通世務世亂方殷八股生活全然冷淡
農桑根本之計安穩着數無如此者詩酒聲伎非今日事

柯起鳳不負丞

休寧縣丞柯起鳳四川人以廩生膺荐不早其職才守自
厲遇事敢斷凜若神明臺司委決無虛日聲出令長上為各司

理所嫉構之去郡人祖送傾市竟任不私一錢吏部尚書鄭三
俊嘗追訟其事

王朝堂死孝

流寇陷太康諸生王朝堂以父中丞 柩見斫拊棺拒罵被
殺棺得全

藝簣

諭幼儒勅

太祖高皇帝諭幼儒勅曰蓋於馬退山茅亭記見柳子厚之文
無益也柳子厚之兄司牧邕州構亭於馬退山之巔非勞人而
勿成既成而無益於民是害民也略不規諫其兄使問民瘼之
何如卻乃咏亭之美曰因山之亭為基無雕琢斲棟五采圖標
以青山為屏障此雖無益文尚有理其云白雲為藩籬此果虛
耶實耶談遷曰讀 聖諭得作文真訣矣存誠去浮根理資用
今曲學矜句字之間沿誕謾之習於文辭人品不相研切如五
柳先生傳先生不知何許人也蓋淵明寓避世之意可一不可
再而白樂天陸龜蒙輩效之則誕矣虛實之論誠如宸諭

孔林石刻宣聖遺筆暑往寒來春復秋夕陽西下水東流將軍
戰馬今何在野草閑花滿地愁未書仲尼有章款此作為者真
東家丘耶

顏子

國初朝鮮獻顏子以為書却之

海鹽秦駐山始皇碑

前賢灼、後聖懋哉始皇承天越受帝命業超上古殲周滅鄭
七雄靡餘六國是併功齊太古道深前王埒災均吳美冠顯黃
通靈七代敬構商堂縱聖凝神將記百幾卷藹餘輝蜚聲萬禩
梁天監二年八月二十三日右判史敬素立石 海鹽縣志 此碑
史記不載而鄭止以笑謂始皇滅鄭何也
偽書

毛漸偽三墳張昇偽元命苞孫定偽闕尹子阮逸偽元經宋咸
偽孔叢子徐靈府偽天子戴師愈偽麻衣子袁康偽吳越春秋
明崑山王蓮年偽反祿閣外史海鹽姚士彝偽於陵子

嵇康真蹟

錢塘楊廷筠以御史督學南畿有兄弟爭嵇叔夜手跡第請田
三十頃易之致訟御史命立寶書堂公貯之

王大令洛神賦

王子敬小楷洛神賦顧凱之畫其下藏內鄉張康侯家購以五
百金康侯甲申避寇金陵張藐山先生借觀

雲麾將軍碑

萬曆六年河南李蔭宰宛平構小齋發礎得唐李邕雲麾將軍
碑、石蕪沒良鄉驛舍裂為柱礎可辨字百八十有九首篆存

唐故雲三字蔭輦貯邑署名其齋曰古墨終戶部主事李冕書
在蒲城縣西十五里李思訓墓上

百家姓

百家姓相傳宋人作故首趙南雍志有唐虞世南百家姓一卷

蘓子瞻制義

蘓長公外集有孟子義一首蓋宋以命題試士之應舉制義
概如此題以佚道使民以生道殺民使民為農民曰是食吾之
道也使民為兵民曰是衛吾之道也使民為城郭溝池曰是域吾
之道也雖勞而不怨曰盤庚之民何以怨民可以樂成而不可
以慮始蓋終於不怨也詩曰晝爾于茅宵爾索綯亟其乘屋來
春播百穀可謂勞矣然民豈不思之曰上之果誰為之也哉若
夫田獵之娛宴好之奉上之人所自為之者君子蓋不以勞民
也古者水衡少府天子之私藏大司農不以給共養勞費出府
為是也孟子曰以佚道使民雖勞不怨以佚道使民可也以生
道殺民君子蓋難言之易曰古之聰明睿知神武而不殺季康
子曰如殺無道而就有道何如孔子曰子為政焉用殺夫殺無
道就有道先王之所不免也孔子諱之然則殺者君子之所難
言也

大學本義稿

朱文公大學本義稿友人沈世洎嘗見之多刪抹

朱文公集

慈溪謝象三 三賓

於亂時購宋板朱子集總十金亡何又得宋

板朱子集文頗不同多世所未見 包長明說

心史鉄函

崇禎戊寅十一月八日蕪州承天寺浚督并得鈇函重續啟之
宋鄭所南先生心史一部外標大宋鈇函經內書大宋孤臣鄭
思肖百拜封自元世祖癸未歷今三百五十六年按心史行世
久矣想副本流傳不待督并啟函也

宋濂

宋學士著作最富潛溪前後集在元季已盛行於世入明劉
伯溫選定為文粹十卷門人方孝孺鄭濟等又選續文粹十卷
皆孝孺與同門劉剡林靜棣手自繕寫刊於義門書塾丙戌
歲錢謙益於內殿見之孝孺氏名皆用墨塗乙蓋遵革除舊禁也

道餘錄

姚少師廣孝別號逃虛子摘二程先生遺書二十八則朱子語
錄二十一則逐條折其謬曰道餘錄吳縣行人張洪見而毀其

書自謂所以報少師

御史試荳芽菜賦

蒙城陳凝薦賢良方正考選試荳芽菜賦凝第一拜浙江道御

史終

按察副使賦曰南國之賓客於上國與北都主人論

辨時事翊日請於主人曰子居上都悅視八隅日覽天下之奇
物亦知天下之奇味乎主人曰唯、客何言歟天下之味形類
萬殊燧人作備庖人之初曰哉曰嚮曰菹曰芻八珍甲四海之
美五味極六合之腴猩唇豹胎之昂熊掌駝峰之尉趙普掣燉
之炙何魯鶩掌之殊党家之羊羔美酒五侯之燕醢鱠餘歟吳
中之膾釣松江之鱸如釀施蓼雪蛆侑俎藪蒲羞鱉芥醬滌驢
至若橙黃而螬蠓實菽綠而河豚活黃雀入幕之子烏鷄啄粟
之雛加以椒桂益之以油酥當嘉賓之既集命細君而當壚

巨觥淺酌豔曲吟唔調嚼滋味既美且都客曰子惟知葷臊之
為味而不知清楚之嘉蔬也主人從而改曰北山採蕨南山採
薇祛萱堂北檐芹澗溜烹綠葵之嫩葉儂白薤之芳蕤補羸祀
移繁蕪磨菇縷分於淮術設稜寸斷於躑躅酣糟子薑之掌沫
醢新笋之絲梭魚孕子苔脯乳鬚輪菌九沸山藥三炊漢家丘
嫂之鑠冰壺先生之蘆至若錢塘之芡苳商山之紫芝大宛之
首蓂二蜀之鷄栖揀擇加精調脲得宜香聞爽臆味適野眉當
舉案之頃會稱觴之時飲此嘉品喜溢厥頤頤翳桑之徒餓笑
首陽之空饑視彼蔓菁何物蘿菹奚為客曰子若徒知異之為
美而不知近之為奇主人矍然語塞拱手戲嘻曰然則子所言
美者請備言而述之客曰有彼物者冰肌玉質子不入於淤泥
根不牙扶植金芽寸長珠璣雙匪綠匪青不丹不赤宛訝

白龍之鬚彷彿春蠶之蟄雖狂風疾雨不減其芳重露嚴霜不
凋其實物美而價輕衆知而易識不勞乎椒桂之調不資乎芻
豢之計數致而不窮食而不斲雖以赫乎柱史之嚴每嘗冥
之於齒牙薦矣憲臺之邃亦嘗歎之而深入當乎退食之委蛇
則伴其倉米之廩食至於滌清觴漱清臆助清吟益清職視彼
主人所陳者奚相去倍蓰而翅萬億也與主人聞而嘆曰得非
市之所鬻豈芽菜乎客乃曰然主人曰美則美矣母語近而遺
遠厭富而樂貧客曰子何見之晚也夫天下之味適口者為佳
天下之士無欲者為貴彼之所云者非不口欲我之所却之恐
為心累脫若致之勿克則役之於心役之於心則為口體之累
傳不云乎養其小者則失其大者大者既失雖羅五鼎亦惟取
羞雖享太牢適增其醜語既客即揖謝于、而退

周叙修宋史

正統末南京翰林侍講學士吉水周功叙叙請刪修宋史以畢先志許之功叙曾大父以立元鰲溪書院山長上書修宋遼金三史推宋正統後功叙修宋元同上元陶元素未就卒

莆陽物史

莆田周梁石瑛與黃太史仲昭同修興化府志議論間有不合自謂莆陽物史

張元楨

張東白先生作文屬草每楮掌大作蠅頭細字或用故紙覆背書之

詩韻辨

華亭張東海先生編詩韻辨曰韻書始於江左樊有因襲雖有

覺者力莫辭正我朝始刊定洪武正韻一洗千載之陋誠萬世之幸也惟詩家猶泥唐韻曰凡古詩之流可用正韻近體律詩惟用唐韻問其所以則曰律詩自唐始故也苟依正韻則曰落韻特遵令以制耳樂其寬耳試叩以唐韻冬東青清之屬何以異虞模麻遮之屬何以同則曰自有五聲七音輕清重濁於其間也噫是皆因襲而不察淺陋而無見口耳相承臆度妄語殊不知江左殊韻正坐不知七音之當解直據一方之所習故失立韻之本原也何輕清重濁之分耶借曰唐詩用唐韻則騷詞用楚韻古選用漢韻耶唐韻襲類譜而作故梁韻也何唐詩而用梁韻耶唐韻至宋已加通併非唐之舊則宋韻矣又何唐詩而用宋韻耶正韻惟取諧協固寬而矣唐韻之聲牙者亦得而押豈窄耶且作者何計寬窄也學士宋景濂所序慎重精密之

至凡詩皆合用正韻且不待辨矣猶慮詩家習觀陰氏韻府群
玉又以正韻定之則凡詩之不宜用唐韻又可識矣何淺陋之
因襲未復於正又唱傳妄說使高明者亦不得繇於正也或曰
李杜蘓黃諸家者皆用唐韻人不知病蓋唐宋之世病在韻作
者勿病也况雖在唐宋不依唐韻者亦多矣泥者勿知惟取諧
協則傳會其說曰滿底韻出入韻猶韻書上平下平不知由編
帙重大而分乃曰音有上齟下齟之異也上平始於東終於山
之意也淺陋類此不足一笑泥者反以正韻為失寧免笑牙

李空同先生曰張東海韻辨東冬青清何以殊虞模麻遮何以
同夫東冬青清反切本殊而人不自殊虞模麻遮調協本同而
人自不同顧歸罪韻者嗚呼人之蔽至此哉韻母子相生五音
互之自然而成聲智不能加愚不能損信如此言則冬江貞先

虞尤不得通押而說不得說去聲哲不得哲去聲耶今人因前人云
四聲出於沈氏遂不復根究便立訓教人不知茲韻其來已遠
沈特校定之耳

張東海自題像

隨虞丹青寫我神故人相見問何人於今百草張東海只有元
來一個真

司空圖

宋王禹偁辨五代史闕文云圖字表聖自言蒲州人有俊才咸
通中登進士第雅好為文躁於進取頗自矜伐端士鄙之從事
使府洎登朝驟歷清顯巢賊之亂車駕播遷圖有先人舊業在
中條山極林泉之美圖自禮部員外郎避地焉日以詩酒自娛
屬天下板蕩士人多往依之互相推獎由是聲名藉甚昭宗友

正以戶部侍郎召至京師圖既負才慢世謂已當為宰輔時人
惡之稍抑其銳圖憤謝病復歸中條與人疏不名官位但稱
知非子又稱耐辱居士其所居在鎮貽溪之上結茅居命曰休
休亭嘗自為記云以上梁史舊文按圖河中虞鄉人少有文
為鄉里所稱會王凝自尚書郎出為絳州刺史圖以文謁之大
為凝知入知制誥遷中書舍人知貢舉擢圖上第頃之凝出為
宣州觀察使辟圖為從事既渡江御史府奏圖監察下詔追之圖
感凝知己之恩不忍輕離幕府滿百里不赴闕為臺司所糾遂
以本官分司俸之召拜禮部員外郎俄知制誥故集中有文曰
懋恩稽命黜僚洛師于今十年方恭綸閣此豈躁于進取者耶
舊史不詳一至于此圖見唐政多僻知天下必亂即棄官歸中
條山尋以中書舍人召拜禮部戶部侍郎皆不起及昭宗播遷

華州圖以密邇乘輿即時奔問復歸還山故其詩曰多病形容
五十三誰怜借筇趨朝端此豈有意于相位耶河東節度使王
重榮請圖撰碑得絹數千匹圖置于虞鄉市中恐鄉人所取一
日而盡是時盜賊充斥獨不入王官谷河東士大夫依圖避難
獲免者甚眾昭宗東遷又以兵部侍郎召至洛為柳燦傾阻一
謝而退梁祖授禪以禮部尚書召辭以老病卒年八十餘又按
梁室大臣乃至有如敬翔李振杜曉楊涉等皆唐朝舊族本以
忠義立身重侯將累將三百餘年一旦委贄朱梁 贊成弒逆
圖以清直避世終身不仕梁祖故梁史拾圖小瑕以泯大節者
良有以夫柳燦為相巨僚多被放逐為監察御史尤加畏慎昭宗
郊禮畢即上章懇乞致仕曰察臣本意非為官榮可驗衰羸庶
全名節上特賜歸山其詔略曰既養高以傲世類移山以釣名

心惟樂乎激流仕非顯于貧祿匪夷匪惠特忘反正之朝載省
載思當狗遯棲之志宜放歸中條山詔辭乃柳燦之文也時多
以四皓之疏譽之惟僧虛中云道裝訂雀識春醉野人持言其
操履檢身非傲世者也又云有時看御札特地掛朝衣其尊戴
存誠非邀君也

楊守陳

楊文懿書惟立所作許先生哀頌詞後

銘志之言多溢美予弟此作蓋眩於銘志之言也後有覽者尚
論其世則茲人者難乎免於君子之誅矣言其可易哉

李夢陽論文

昔者謂文在檀弓極矣遷史序驪姬云檀弓第曰公安驪姬約
而該夫經史懸殊經主約史主該譬之畫者形容之也貴得像

且且如非驪姬食不甘味寢不安枕之類是也經者史之要者
也曰安而食寢備矣自檀弓文之論興而天下好古之士惑
於是惟約之務為湔洗為聲牙為剗剔使觀者知所事而不知
所以事無由彷彿其形容西京之後作者無聞矣

李空同先生刻陶淵明集盡去評註曰青黃者木灾也太羹之
味豈群口所饌哉按古人注經史子外集不多及六臣注選干
家注杜尚矣其以批點行世者蘓老泉之於孟子劉辰翁之於
李杜為得其際萬曆中晉江李贄所閱著藏書焚書等刻導煽
輕誣末年吳興凌氏閔氏專刻硃批時雖紙貴灾木何極
舒芬與友人論文曰六經未可以文法摹擬也書禮序述即事
見道風雅詠歌以聲和律曹何章法句法不類之顧耶易始伏
羲不知六畫奇耦其章法句法果安在耶春秋仲尼所筆削也

簡者一字繁者僅三十五字其句法章法果安在耶故今之論
文者動稱六經則亦前人悞之耳愚嘗以六經當以道論不當
以文論

李夢陽何景明

李何裒然四傑之首冠冕當代人無異喙間有微文未加點璧
近常熟錢收齋選明詩論李何最嚴不啻輸攻矣雖非定論

錄瑛公據

獻吉生休明之代負雄鷲之才儻然謂漢後無文唐後無詩以
復古為己任信陽何仲默起而應之厥後齊吳代興江楚特起
北地之壇坫不改近世耳食者至謂唐有李杜明有李何自
大曆以迄成化上下千載無餘子焉嗚呼何其諄也夷考其實
平心而論之由本朝之詩訢而上之格律差殊風調各別標舉

興會舒寫性情源流則一而已矣獻吉以復古自命曰古詩必

漢魏必三謝今辭必初盛唐必杜舍是無學焉牽率模擬剽

賊於句字之間如嬰兒之學語如子之洛誦字則字句則句

篇則篇毫不能吐其心之所有古之人固如是乎獻吉曰不讀

唐以後書獻吉之詩又引括唐以前書紕繆挂漏不一而足又
何說也國家當日中月滿盛極孽衰粗才笨伯應運而起雄霸
詞盟流傳譎種二百年以來正始論止榛蕪塞路先輩讀書種
子從此斷絕豈細故哉後有能別裁偽體如少陵者必以斯言
為然其以是獲罪於世之君子則非吾所惜也

仲默初與獻吉相復古學名盛之後互相詆謔兩家堅壘屹不
相下於是低頭下拜王羨波倒前徒之戈俊逸粗浮薛西原分
北軍之袒則一時之軒輊已明身後之玄黃少息矣予獨怪仲

默之論曰詩溺於陶謝力振之古詩之法止於謝又靡於隋韓
力振之古文之法止於韓嗚呼詩至於陶謝又至於韓亦可以
已矣仲默不難以一言抹殺者何也淵明之詩鍾嶸以為古今
隱逸之宗梁昭明以為跌宕彰抑揚爽朗橫素波而旁流千
青雲而直上評之曰溺於義何居世運遷流風雅代變而京不
得不變為建安太康不得不變為元嘉康樂之興標舉寓目即
書內無互思外無遺物正以暢漢魏之颯流華孫許之風尚今
必欲希風收馬方駕曹劉割時代為鴻溝畫晉宋為鬼國徒抱
刻舟之愚自違舍筏之論昌黎佐佑六經振起八代又止于韓
有何援据吾不知仲默所謂文者何又詩者何詩也昔賢論仲
默之刺韓以為大言無當矯誣輕毀箴彼膏盲先為篤論矣獻
吉兩書駁何矛盾互陷獨於斯言了無諍語弘正以後為謬之

學流為種智後生面目偏背不知向方皆仲默謬論為之質的也

江河伏流

秦州儲平甫

洵正德辛未進士歷福建按察僉事輯革除錄博

採諸難諸臣題曰江河伏流平甫卒門人私謚貞文子

常倫逸詩

沁水常評事倫題楹山大雲寺壁宿此非一夕游此非一朝山
夫頗解狂夫趣時儲斗酒來相招殿前長松十圍大我欲絕粒
栖雲巢字大如斗今存評事集不載

王璜雲中歌

濬縣御史王璜正德辛未進士雲中歌八首一曰小王子打
圍時自稱北狩產龍姿墩上老軍莫相信英王元不納胡姬

胡璣

彰德胡瓚嘗咏時苗還續事任中如有子君欲付何人詠詞

徐霖

武宗在臨清召江寧徐霖授教坊司官不拜乃授錦衣衛鎮撫
久益幸至呼其字子仁進必敝袍遂賜斗牛襲衣至南京嘗夜
過其家從容惟燕四更乃罷

前李攀龍

濟南李攀龍止白雲樓集偶友人處鴻承集四帙云濟南李攀

龍于麟著亟讀之則常州

人官太僕

在正德時非歷

下也曾子殺人之悞良不虛耶

兩京賦

訓導

彭大雅柳州通判常熟桑悅御史江寧余光貢士盛

時泰南京刑部郎中臨川師機並作兩京賦光奏付史館賜鈔

于貫安福李學士時勉慈溪陳侍講敬宗並作北京賦教諭

聶鉉作南京賦

兩皇明通紀

嶺南梁億東莞陳建各著通紀

張邦奇

張文定邦奇作贈太監雲奇傳云奇洪武間以內使守西華門
時丞相藍玉居第去門不數十步一日詭言其第井中醴泉湧
出請上臨觀而選壯士表甲伏屏帷間以俟奇知之將上變
云按此胡惟庸事又定宿學不宜悞或梓人之訛

修誌

林經修福州府志人物有邪佞止宋人不及國朝孝子割肝
療親者二人去之烈女如科甲例每行二人其作割肝者曰使

人割之耶抑自割之耶人割之則世未有首無故操刀而殺人者自割之其人已死矣又安能內探五臟辨其所謂肝者而後割之耶甚哉其妄也又福清林榮初則仁歲貢兵部尚書本朝列鄉年表不載

王道書壁雜帖

平涼趙浚谷時春嘉靖庚申作平涼府通志官師人物美惡備列藝文僅記銘若干首無詩

順渠子曰吾於古人有四恨焉孔子曾見老子而孟子不得見莊子此一恨也孟子得見子思子而荀卿不及見孟子又從而非之此二恨也楊子雲與鄭子真嚴君平同時同處且知二人之賢而不能相隨以隱此三恨也二程親見康節而不能傳其先天之學此四恨也宇宙間有此四大欠事而古今人皆未嘗

說破若以為當然者然此又恨外之一端也

王慎中

王遵嚴先生作晉江楊角山墓志銘戶部主事李纘父也志述纘之言吾楊姓也世居安仁鄉之鈔舍村以力農本業自給吾父早孤而婚於陳城居也遂居於城之東隅陳母故李毅齋公某之甥也毅齋無子故吾父育於李而為之子稱李而妣陳也鄉人之敬愛吾父者知為李角山翁而不知為楊也惟吾父始配陳某知之而繼室張氏謝氏與吾兄纘亦不能知而纘獨知之今將題名於阡作主於廟惑於所稱之姓先生其謂之何云云夫宗之必有別異姓之不相為後也在禮記之矣李君雖欲狗翁之情其如禮何請志之曰楊角山處士之墓

先生作晉江潘翁墓志銘、作長論又古法之變

國朝人物編

江都葛澗子常好積書撰國朝人物編自國初迄嘉靖數百卷人為列傳甚悉年七十餘友人私謚正學先生

夏惟訥

崑山夏惟訥好求遺書嘗秘一篋不以示人歿後啟視覩管數十枚手錄雜記百餘卷

唐觀

江陰貢士唐觀著延州筆記李肇鶚於民家屏障上斗麥易之噫文人遺業類觀者何限安得盡肇鶚其人刊以問世耶

李于鱗王元美手抄

陳眉公曰李于鱗王元美在刑曹時手抄史記文選一部舉觥誦以記否為賞罰大泌山人批閱以及南北史皆有小識錄他

李于鱗閱史記

殷正甫士儻有李于鱗所閱史記於秦始皇本紀止圈河魚大上人頭畜鳴八字沈懋存長水集

王元美讀書後毀論

王元美所著讀書後四本捐館後公子吏部士騏於貨即擔中重價得今行世又毀論十本係先生手書無副刻常熟錢牧齋乞於吏部者秘不示人辛卯九月書室災不存惜哉噫又人子孫如任昉李白許渾諸君子筆調墨替無論矣有箕裘若吏部而遺簡灰滅他何望乎

余翔

莆田余翔宗漢嘉靖貢士任全椒令有治才兩造盈庭平決無停畧有羅氏鬻屋轉展數姓至武氏淘井得髑髏四具加

國朝人物編

江都葛澗子常好積書撰國朝人物編自國初迄嘉靖數百卷人為列傳甚悉年七十餘友人私謚正學先生

夏惟訥

崑山夏惟訥好求遺書嘗秘一篋不以示人歿後啟視充管數十枚手錄雜記百餘卷

唐觀

江陰貢士唐觀著延州筆記李肇鶚於民家屏障上斗麥易之噫文人遺業類觀者何限安得盡肇鶚其人刊以問世耶

李于鱗王元美手抄

陳眉公曰李于鱗王元美在刑曹時手抄史記文選一部舉觥誦以記否為賞罰大泌山人批閱以及南北史皆有小識錄他

經傳稱是

李于鱗閱史記

殷正甫士儋有李于鱗所閱史記於秦始皇本紀止圈河魚大上人頭畜鳴八字沈懋孝長水集

王元美讀書後毀論

王元美所著讀書後四本捐館後公子吏部士騏於貨即擔中重價得今行世又毀論十本係先生手書無副刻常熟錢牧齋乞於吏部者秘不示人辛卯九月書室災不存惜哉噫又人子孫如任昉李白許渾諸君子筆凋墨替無論矣有箕裘若吏部而遺簡仄喊他何望乎

余翔

莆田余翔宗漢嘉靖貢士任金椒令有治才兩造盈庭平決無停畧有羅氏鬻屋轉展數姓至武氏淘井得髑髏四具加

釘烏呈於縣公彷彿夢人以蘿擔屍過其前時羅氏父死久訊其子已七十自供父本牙僧正德間四客投店扶重賞父端午日醜殺之釘腦骨投井中羅子論辟其家竟絕後辭任歸益肆力於文章而游興不減 傲家人生產不問

穆文熙焚書

東明穆文熙小春憲副購書十餘萬卷疾篤盡舉所積焚之

謝陞季漢書

新安謝陞少連改陳壽三國志為季漢書予蜀正統魏吳世家

按宋蕭常後漢書鄭雄飛續後漢書翁再蜀漢書元金華張樞

陵川郝經 明長洲吳尚儉並續後漢書

春雪詩

鄞縣全大叙萬曆 進士試館之先夢大父少司空 元立戒

以春雪詩勿用六出如其言獲選

無名氏詩

僕夫不識路躊躇路旁久寒風吹衣襟落日照馬首吳中無名氏作蘭溪吳孺子極愛之謂深得古致

明雋

濮州李尚賢先芳選 國朝燕趙秦晉齊魯河洛淮揚藩獻之詩附以蜀曰明雋吳越荆楚不預焉東阿子文定公序曰自二南以下十五國風皆江以北地也降而春秋吳越之歌吟乃出降而戰國荆楚之騷賦始傳故江以南之聲則歌吟騷賦之流而風之餘也非始音也原音之始以北先也 按李尚賢初善王元美後元美從于麟游改向移好故明雋之外吳越荆楚有以也然所選多靡豔舒曼

宋登春

宋山人登春讀書嶧山廠薄交游乃作一小戶非匍匐不能入
名曰狗洞縉紳先生過訪者輒難之惟濮上李伯承往來其中
趙州強居仁集李伯承避山人濮上館於清平閣日啖狗脯飲
白酒夜誦楞嚴經念伯承殷勤間與唱和援筆草就四座傾倒
北雍刊史

新建張洪陽位司業刊二十一史糜工部六萬金有奇

李湘洲集

陳于陞修史

南元陳文憲相國時修正史

列聖本紀皇后本紀建文景泰以實錄附載專紀有待郊祀廟
祀典禮樂律天文律法宗藩學校選舉職官經籍賦役貨幣漕
運河渠鹽法軍政兵制馬政刑法郡國九邊凡二十二志

揚徐滁陽三五傳 高祖之十七藩 成祖之二藩 仁宗英

宗各四藩 憲宗之三藩 外戚 洪武之功臣諸臣建文諸

臣永樂之功臣諸臣洪熙諸臣正統天順諸臣景泰諸臣成化

諸臣弘治諸臣正德諸臣嘉靖諸臣隆慶諸臣又理學文苑循

良高逸孝節亂逆權倖方技四夷列傳類二十六

志初畢丁酉擬列傳六月三殿災輟業又南元前卒四明沈一

貫殊不以為意非其始議也

西泠社

萬曆丙戌八月歙縣汪道昆鄞縣屠長卿隆革集西湖之淨慈
寺仁和卓明卿餘杭徐桂為地主倡西泠社

孫冕

孫冕字文中江西德化人歲貢正德間任北通州訓導善詩畫

嘗和李西涯春興詩八首今錄其二山館悠々依峻坡別來應
是兩年過鹿麋昔日游偏好風雨他鄉夢更多松下小軒閑雨
菊月中荒徑掩雲蘿歸來若待頭顱白其奈巖花笑客何其一
竹垣向裡關新池徑曲門迂去每遲鳥弄落花人未到魚吹新
符月先知天邊客夢何時醒江上歸舟此日移喚起東田作賓
主不知身在昔克時

爭詩

夜月烏啼白門柳隔江人唱後庭花武康吳允兆永嘉何元谷
各爭為己句餘杭徐茂吳桂白句未佳何爭為

喻應益

新建喻叔虞憲副楓谷先生均子也咏滕王閣萬壽宮各四首
飛閣崇臺勝地留層崖遠水檻中收萋々自綠王孫草歲々空

生帝子洲烟樹尚含羅綺怨風濤不散管絃愁漂零莫縱登臨

目門掩斜陽獨倚樓其一芳洲草樹碧纖々醉倚臨空意未厭

山翠過江雲入戶春聲出谷鳥窺簷花憐倚陌飄歌扇柳近紅

亭颺酒帘千古繁華流水盡獨留明月上珠簾其二梅風杏雨

柳烟開滿眼芳菲祇自哀客子高臨曾作賦游人覽思獨登臺

於今殿閣盤空起依舊雲山隔岸來不識王郎風送別誰言伯

輿更憐才其三閨市煙塵黯未通蕭條旅泊散江風龍河蜿蜒

滄波上雉堞參差晚照中昌邑舊城葭茨渡南唐廢址水煙空

芳時士女應多恨遮莫還歌大小東其四滕王閣

百疊青山磴道盤丹臺深鎖赤欄干堦前柏是當年樹雲裡家

猶舊日壇漢祀祇今歸太祝宗皇曾此拜祠官無勞更表洲沙

識湖落空江鉄樹寒其一九柏歲徒偃翠苞亭八十里辨烟梢

雲深珠樹棲歸雀月滿霜潭泣老蛟風殿香浮爐影細星冠夜
集珮聲交野人掃地齋心拜芳渚青蘋藉白茅其二 玄功自昔
滿鄉邦飛劍雲中氣尚雙三洞絳霞飄羽蓋五侯瑤草映芝幢
金丹鷄犬歸仙島鉄鎖魚龍臥楚江里社年：誇禱賽九天時
擁百靈降其三 白袷青鞵稱短衫採芝幽澗荷長鏡乍瞻丹壑
窺金穴細讀玄文叩石函天豁神臯開廣漠樹盤仙嶠出崦嶮
雲房玉磬松關月未到蓬山已隔凡 其四 萬壽宮

王穉登

萬曆癸丑元旦吳縣王百谷臥疾吟迎春詩一首即逝

馮元成論文

馮文所先生曰古之文簡今之文繁古之碑碣志銘苟無閑繫
則不書如後急親黨不過曰待以舉火數十字一二語耳今則連

篇累牘曰某也婚某也葬教其事而稱之數其人而記之瑣々
屑々如甲乙簿何當哉噫予居嘗所為後急人者一月或至數十
事使他日子孫欲為予紀載則且至數十冊簿豈理也哉唐以
來韓昌黎鼠為大家其志銘等文且在寥寥僅一二百言耳然
其時且以諛墓訃之至于今或一序數千言或一傳教萬言荆
川先生所謂山河大地不能作架子誠有味乎其感歎也是故
君子之文寧損無益寧慎無濫寧拂人之子孫無違人之目且

周玄暉

崑山周復俊子顓南京太僕寺卿有館於木人涇之旁著涇林
雜記涇林類記孫玄暉萬曆丙戌進士曾任御史左遷補電白
令放歸著涇林續記始舉筆赤蛇墮研刊成怨家張氏增飾宮
掖一二事孽於縣令陳祖苞撫按奏上致 宸怒逮下刑部獄

卒人多寬之

陳植之

武林布衣陳植之

雖業醫苦吟好學歛縣吳元德符摘其

佳句如疎鐘四壁靜微雨一燈明移花春徑雨看竹午窓風繞

舍田疇熟遠村砧杵連王門等自好客舍缺空彈河朔追狂飲

滄浪起浩歌因贈之詩曰昔賣名山藥女子識伯休孝先尋教

授大有童蒙求簞瓢在陋巷朝夕僅能謀上有白頭母啜菽代

庶饒下有黃頭兒擁絮視輕裘子身同鰥魚收贖為好仇苟非

真有道疇能堪此愁自我不相見十年幾再周時、卒舊業隱

若對前修重逢憶愈甚每語無忌尤依然曳屣復強歌仍自酌

感贈不遇賦沉思真一袖申之負士咏庶接古人游異時高士

傳真隱定見收

中秘書

晉江謝肇浙在杭為水部日福清葉相公直閣求閱秘府書潛

隨入翻閱僅錄劉後村集三十冊

收書法

南充陳元忠相國子陞好儲書平湖沈幼真太史懋孝勸其據

類書注中所引証之書覺篇目不經見者日月標記令書賈時

時博求之無意中忽得奇書又據天下書目考其版籍在諸路

者時、馳尺一託交游間如目搜羅期得乃已自戊辰至甲戌

七年元忠以此法得奇書三干部及家難寄書京師勲戚家半

失去

纂書

開國事畧本湖廣行都司經歷蔡于璧之龍飛紀畧卓氏藻林

本吳興王氏所輯嘉隆以來諸公掠美者頗多噫仰眠床上看
屋梁著書千秋萬歲誰傳此者幸傳矣又為宋齊丘所據惜哉
凡纂書有三貨得之可也陰得者次之最下則贖拓

厄書

藏書佳事也闔省不數家：不數傳如浦江義門鄭氏八萬卷
燬義烏虞侍郎守愚叅政德煒父子樓藏萬卷署曰樓不延客
書不借人後蘭溪胡孝廉應麟賤直得之今亦佚盡太倉王元
美書最富再傳而失開封中尉睦樛之萬卷堂會稽鈕氏之萬
卷樓吾寧祝侍郎以幽之萬卷樓武康駱侍御駿魯平湖馮孝
廉茂遠常熟錢宗伯謙益諸家非流散則如焰矣噫縹帙湘函
何預天曹事往：被厄不能久錮設靈威丈人秘牒玄夷使者
之珍符貯卿媿而儲二酉概如此厄天上司書吏地下修文郎

亦寂：難堪矣楊循吉既老散書親故令蕩子爨婢無復着手
是或一道也

錢宗伯好儲書尤喜較訂廣蒐博引一編中粉墨丹青層見錯
書有所疑悞千里之外託人研攷其購藏甲於東南亂後撰
明史凡二百五十卷辛卯九月晦甫就越後日見燼火始作見
朱衣者無數是非不得其平遂以熒惑掃之隻字不留亦一異
也

文瞽

正德中鄱縣王簡討九思敬夫失官老而喪明四方求文口占
授之人疾書不給

萬曆末秀水陳學士懿典孟常晚喪明詩文酬應如故出謁公
府侍兒牽其裾即揖讓進退動如禮

唐府輔國將軍字洪五歲喪明從師畫掌^識文字日耳記于言
著名獻錄辨疑碑各一卷

華亭唐汝詢仲言五歲目盲父兄抱膝上授詩好聽授博通經
籍注唐詩解五十卷援據該博著編蓬姑篋等集醯使楊崔旌
其廬曰耳學淹通指俸刊其書 嘗過常熟錢謙益所酒間誦
子虛上林諸賦杜白諸長篇不遺一字留校杜詩時有新義如
解溝登踈放之句云出於向秀賦稔志遠而踈呂志放而曠亦
前人所未及也

鍾惺譚元春

鍾譚詩行於世孟津王鐸宗伯曰如此等詩決不富不貴不壽
不子

洪範明義

漳浦黃石齋道周 著孝經集傳又奉命纂洪範明義四卷戊寅
被謫即進呈云臣攷篇中有錯簡者三訛字者三錯簡如五紀
三德敷言而在後威福建極敷言錯而在前訛字如晨為農戎
為威殛為極之類皆伏晁之所不稽鄭孔之所未說宋元諸儒
稍發其端 明興諸儒未竟厥緒云

蔣德璟日記

晉江蔣八公相國性嗜書留心經濟有部即使榆閑語之曰彼
處馬豈頗多宜注意部即初不以為然至則果如其言所著日
記

爭妾詩

崇禎癸未楚撫宋一宦敗歿妾金陵陳氏以色藝為門客王屋
所聘貴陽謝參政上選先娶致訟新安貢士程奎詩歌舞叢中

度歲華一朝忽散抱琵琶前身定是烏衣燕不在王家即謝家

山城曲

十七八正少二次明少年、少如春草、榮一霎然、萬、武
藏州四圍無山島日出惟青草月沒還青草 山城者日本也
好事者有譯其曲者見鄭以偉猶奕稿

永和宮詞

揚州明月杜陵花夾道香塵迎麗華舊宅江都飛燕井新侯闕
內武安家雅步纖腰初召入鈿合金釵定情日豐容威鬢固無
雙蹴鞠彈碁復第一上林花鳥寫生綃禁斧鍾王點素毫楊柳
風微春試馬梧桐露冷暮吹簫君王宵旰無惟思宮門夜半傳
封事玉几金床少晏眠陳娥衛艷誰頻侍貴妃明慧永承恩宜
笑宜愁慙至尊皓齒不呈微索問娥眉欲感又溫存本朝家法

修清讌房帷久絕奇珍薦勅使惟追陽羨茶內人數減昭陽膳
維揚服製擅江南小閣爐烟沉水舍私買瓊花新樣錦自修水
通進黃柑中宮謂得君王意銀鑲不妬溫成貴早日艱難護大
家比來懽笑同良姊奉使龍樓賈佩蘭往還偶失兩宮懽雖云
樊嬖能辭令欲得昭儀喜怨難綠縹小字書成印瓊筵自署元
華進請罪長教聖主憐含詞欲得君王愠君王內顧惜傾城故
劍還存敵敵恩手詔玉人蒙詰問自來階下拭啼痕外家官拜
金吾尉平生游俠多輕利傳客因懽博進錢當筵便殺彈箏妓
班姬才調左姬賢霍氏驕蒼實氏專涕泣微聞椒殿詔笑談豪奪
灞陵田有司奏削將軍俸貴人冷落宮車夢永巷傳聞去玩花
景和門裏誰陪從天顏不憚侍人愁后促黃門召共游初勸官
家佯不應玉車早到殿西頭兩王最小牽衣戲長者讀書少者

弟聞道群臣譽定陶獨將多病憐如意豈有神君語帳中漫云
王母降離宮巫陽莫救蒼舒恨金鎖凋殘玉筋紅從此君王慘
不樂叢臺置酒風蕭索已報河南失數州况經少子傷零落貴
妃瘦損坐匡床慵髻啼眉掩洞房豈能湯溫水簟冷荔枝漿熱
玉魚涼病不禁秋泪沾臆徘徊自絕君王膝苔沒長門有夢歸
花飛寒食應相憶玉匣珠襦啟便房薤歌無异葬同昌君王欲
製哀蟬賦誅筆詞臣有謝莊頭白宮城暗嘖感庸知朝露非為
福宮草明年戰血腥當時莫向西陵哭窮泉相見痛蒼黃還向
官家問永王幸免玉環逢喪亂不須銅雀怨興亡自古豪華如
轉轂武安若在憂家族愛子雖添北渚愁外家已塋驪山足夜
雨椒房陰火青杜鵑啼血躍龍門漢家伏后知同恨止少當年
一貴人碧殿淒涼新木拱行人尚識昭儀塚麥飯冬青問茂陵

斜陽蔓草埋殘壘昭丘松檟北風哀南內春深擁夜來莫奏霓

裳天寶曲景陽宮井落秋槐

吳梅村集

思陵長公主挽詞

貴主徽音美前朝簡命光鴻名垂遠近哀誄著興亡託體皇枝
貴承休聖善祥母儀惟謹肅家法在矜莊上苑穠桃李瑤池小
鳳凰鸞章青綉屐魚笏縹囊沉燎薰爐細流蘊寶蓋香襪期
陪祓水蘭館的條桑綠綠花蘭佩紅螭薤葉璋錫封需大國喚
仗及迴廊受冊威儀定傳烽羽檄忙司輿停鹵簿掌瑞徹珩璜
嬰宿明河澹薇垣太白芒至尊憂咄叱仁壽涕彷徨鄰邑年方
幼瓊華齒正芳艱難愁付託顛沛俱參商文葆憐還戲勝衣泣
未遑從容咨傳母恫急詢韶璫傳箭聞嚴鼓投籤見附床內人
縫賜甲中旨粟支糧使者填平朔將軍帶護羌寧無一矢救足

慰兩宮望盜賊孤篝火關山蟻潰防道遙師還旆奔突旄披猖
牙轟吹看折梯衝舞莫當妖氛傳象關殺氣滿陳倉天道真蒙
昧君心碩慨慷割慈全國體處廢重宗漢胄子除孽後家丞具
亟裝勅須離禁圍手為換衣裳社稷仇宜報君親過勿忘過人
端退讓慎已舊行藏國母磨笄刺宮娥掩袂傷他年標信史
同日見高皇元主甘從殉君王入未央抽刀凌左闔申脰就干
將噴血彤圍地橫尸紫纛汪絕吮甦又咽瞑睫倦微揚裹褥移
尸第霑胸進勺漿誓肌封斷骨茹威吮殘創死早隨諸妹生猶
望二王股肱羞魏相肺腑恨周昌賊遁仍函谷兵來豈建康六
軍誓面慟四海道音喪故國新原廟群臣舊奉常贈圭陳厭翟
題湊載輜輶隧偪賢妃塚山疑望子罟啣哀生父老主祭失元
良訣絕均坏土飄零各異方衣冠羸博塋風雨鶴鶴行浩劫婦

空壞浮生寄渺茫玉真圖下髮甲伯勸承筐沆水餘堯女營丘
止孟姜君臣今世代甥舅即蒸嘗湯沐鄉亭秩家門殿省即淒
涼脂粉磴零落綺羅箱宅枕平津巷街通少府墻畫閣偕妯娌
晚坐向姑嫜偶語追銅雀無聊問柏梁豫游推挿柳勝跡是梳
裝菡萏死央扇茱萸鸚鵡觴大庖南膳廠奇卉北花房暖閣蒨
蘆錦溫泉豈菟湯離新獅首炭甜食虎睛糖壯麗成焦土榛蕪
拱白楊麋游鴉鵲觀苔沒闕鷄坊荀謹心惆悵秦休志激昂前
城身竟殞填海願難償命也知奚憾天子數不減累歎床簣語
即寔寢園傍半體先從父遺骸始見娘黃泉母子痛白骨弟兄
殤夙昔銅馳泣諸陵石馬荒三年修葺藻一飯奠高邱寒食重
來路新阡宿草長溪田延黍稼隴笛臥牛羊朽壤穿蝼蟻驚沙
起鵝鶴病檣眠廢社衰草折寒塘列剝皇姑寺馱經內道場侍

鬟箱練 小像刻沉香玉座懸珠帳金支渡法航少見添畫燭
保媪伴帷堂露濕丹楓冷星稀青鳥翔幡旌晨隱、鈴鉞夜鏘
鏘控雀攀龍馭駮麟謁帝閭靈妃歌縹緲神女笑徜徉苦霧迷
槐市雌霓鐺建章歸鄴思五廟涉漠泪三湘柔福何慚宋平陽
可佐唐虞淵瞻近日蒿里叫飛霜自古遭兵擾偏嗟擁樹傍魯
元馳孔亟芽季負倉黃漂泊悲臨海包含恥溧陽本朝端闔閩
設制勝岩疆處順敦恭儉時危植紀綱英聲超北海雅操過東
鄉新野墳松直招祇祠柏蒼薤歌雖慘澹汗簡自輝煌謚號千
秋定銘旌百襪彰秦箫吹斷續楚挽哭滄浪

盧岐嶷

長秦盧岐嶷嘉靖甲辰進士終貴州按察使初為戶部郎與汪
道昆同舍有遺脂香油於汪者汪問在古云何岐嶷曰唐人謝

賜口脂豆溲此二物也宴席有糖獅象復問於古云何曰漢光
武禁視糖不許高大此是矣

王九思謝榛袁宗道

鄆縣王九思漢陂集自序曰余始為翰林時詩學靡麗文辭萎
弱其後德涵猷吉導予習其易焉猷吉改正予詩者福今尚在
也而又尤德涵改正者尤易然亦獨余也惟仲默諸君子亦二
先生有以發之願予頑鈍不能勉副其意故今老且朽矣而於
所習詩若文者竟亦無所得焉是則可恨也

謝榛詩家直說曰作詩勿自滿若識者詆訶則易之雖盛唐名
家亦有罅隙所謂瑜不掩瑕是也已成家數有疵易露家數未
成有疵難評

袁宗道曰時有古今詩言亦有古今、人所說為奇字與句安

知非古之街談巷語耶方言謂楚人稱好曰党稱慧曰誦稱跳
曰跚稱取曰挺予生長楚周未聞此言今語異古此亦一証故
史記五帝三王紀改古語從今字者甚多疇改為誰俾為使格
姦為至姦厥田厥賦為其田其賦不可勝紀左氏去古不遠然
傳中字句未嘗肖書也司馬去左亦不遠然史記句字亦未嘗
肖左也今日逆數前漢不知幾千年遠矣自司馬不能同于左
氏而今日乃欲兼同司馬不亦謬乎空同諸文尚多已意紀事
述情往往偏其真尤可取者地名官銜俱用時制今却嫌時制
不文取秦漢名銜以文之觀者若不檢一統志幾不識為何鄉
貫矣且文之佳惡不在地名官銜

失婢詩

槁李陳詩教和唐人失婢詩集句楚客停棹欲問誰願况流鶯

上下燕參差李商隱春樓不開歲蕤鎖韓偓長路多逢輕薄兒

耿漳應為能歌繫仙席鄭谷只緣幽恨在新詩步非烟今朝統

郭花容偏李涉別有傳心事豈知白居易

廣孝錄

邑人周琏青羊善畫葡萄晚輯廣孝錄若干卷弘光乙酉夏疾
篤夢人語以待廣孝錄成遂蘊亂時失其二卷後年卒

續哀江南賦

嘉興沈世涵作續哀江南賦有序

粵以甲申之三月盜弄軋樞神器無主帝既醉於鈞天或腥
於毳幕中興道銷窮於三檀厄運之極古今未有歌臺走麋鹿
之踪過市盡髡鉗之客晨看旅雁辭玉塞而凝雲私等銅仙望
秋城而泣雨昔士衡入洛之日仲宣登樓之年並亂離咸有

著述謝眺釣渚之賦思江海之無波潘岳關中之詩憫荆榛之
載道雖復輦輸沉女步媿瑟人感哀感同斯來軫誰非秦地空
想桃花詎有商岩遙尋芝草冰魚未絕徒懷挾雨之心繫燕猶
蘓不謝雕梁之憶鏡鎖既沉木葉再落興言往予追賦斯篇日
月如馳人間何世夷門日冷魏市成墟易水風悲秦筑罷擊惟
雪衣之委羽曾侍先皇若供奉之捐生堪羞朝士魚年累日悵
切南冠飲恨吞聲私修漢臘薄羨秋滿柳箭春搖怨菊水無延
歲之芳桑滄非可俟之畧夫霸孫啟祚尚揚赤壁之靈弱宋遺
都猶報朱仙之捷亦各控帶數州經紀百載豈有蘆薜荻葦竟
浦浮江代馬胡鞞凌波渝水烏孫干騎控淮水而鳴弦翟泉雙
鷺指吳都而扇翼五陵冠冕邈矣華風萬里縵纓此焉戎俗二
三俊人徒懷死衛乘輿之誠百萬義師竟少固我藩籬之具豈

昔之龍盤虎踞者佳氣盡於此耶是知崖山執節終靡信國之
旗大海揚波必覆張侯之艇天意人事不禁臨風喟愴者也世
涵山雌辨色將遠樹牙樊籠爰居避風曾何情乎鐘鼓豈希黃
絹之題聊比嬰紼之恤文博之枕流漱石竊有志焉子山之垂
露湧泉矐乎後也賦曰臨江臯兮四望兮氣行結而懷憂伊天
步之艱難兮神恍々而凝愁昔高后之作京兮實祚土於鍾丘
控方塘之白水兮枕震澤之清流封狼胥以為鎮兮琛沒羽以
為州湛盧宵飛而吳定兮樓船朝濟而漢謳教軍實於長洲之
苑饗戎旅於武昌之樓黃旗雨轉紫蓋雲浮剪桐珪以錫燕更
奕葉而遷幽於樂都之麗樂兮乃陪服於南留華實徧野紅粟
方舟引陂泉而滋灌注兮指翼軫而帶牛女歷三百而無事兮
不識夫鮫函之與屬獨雖有祿被之媒孽雀哺之哺聚不旋踵

而夷因於是士女游冶族姓繁富玉樹挺於王謝朱輪倅於顧
陸老成奕世典型似續銘勒燕然旌懸日窟烽火息於漁陽兮
貢葡萄與天馬時既泰而將屯人娛安而忘苦家築夏后之臺
戶涉周王之圃鳥轉迭歌花穠雪舞風流清談而核名卿尹黨
鉤而造禍武帳絕韜於龍豹文絃罷奏於鄒魯腥鮑爛而是求
兮白馬沉而何補既而燕廈將焚白鼎日沸閭左有揭竿之呼
嚴闕折柳之蔽天子方復端門而御平臺召百官而延多士
期弱草之凌勁風假車馬而行淫雨請纓則終軍彈劍則馬武
出玉關而論兵晏蘭池而旁午空行袖於二東兮猶呼庚而未
止爾乃宮鳴野雉星落天狐夏箭不能殪仙芝之靈秦鉄不能
禁驪山之徒彼小醜之馮陵固蔓延而滋多逞其鷓鴣之性鼓
其鯨鯢之濤野烟吹斷白骨丘枯一二乘鈞握樞之左方留賊

以自固魯莫肯兮焦慮而殷圖墨吏熬其骨殘兵密於篋虺毒
吹熾豺牙橫厲黃中大呼銅馬如蟻戰已及於觀門群工猶俟
第而夜嬉橋山之弓不歸茂陵之盟日出草木為之飲血神人於
焉憤涕江表藉司馬之靈奉神皇之胤值天地之睚刺畫江
江淮而完鼎四海隅、臻響屬影咏南之願懷兮願觀中興而
昭淑景帝不悔止荒淫是逞金鞭未收於傳舍鐵杖已投於晏
寢方採佳麗以實淑宮構迎風以連結綺元宰無東山之望收
伯非睢陽之擬第鼠首而蠅營兮恐苞苴而成水火地折天崩鼓
卧旗仆鬼同謀於曹社帝醉錫以秦土翳上將之披猖各飛揚
而跋扈既主器之沉淪乃不恥乎降北單于置酒而長圍截橫
江而竟渡立馬於吳山之巔射麋於蕪臺之澌羨靖國之捐軀
獨名存而禍酷爰有河橋魏將之符閉路田文之客拭玉張旃

尋盟許國思坐觀於時變亮國仇而莫塞青龍之艦朱浮飛魚
之舟 唱魚甲之潛去聞雀啖而不得聞胃空懸浙鉤寡色
日冉：而虛逝兮思寡 而弗釋紉冤心以為纒兮編愁苦以
為臆矣我逢此厄辰兮刻著志而靡適掩柴藿之荒扉兮浮雲
惜而送日服縵纓而雉結兮別無虬龍之與蟪蛄於是胡風晚
白清笳夜驚控弦洞庭之波板陣彭蠡之陰餘腥烟散
戈既揮於漢臯守無聞於壽春精衛銜石而過矢文鯨夜飛
而觸兵曩時冠帶衣履之俗莫不輸金繒於穹帳謝簪笏於龍
庭遙瞻巫岫極目海陵荒臺月寂古榭風平馳鳴春草駱汗芳
葵書盡灰於秦劫劍已化於豐城若乃金柯霞震瑤葉雲靡別
艷姬於楚陸墜寶玦於城隅悲有雍門之瑟客無報韓之錐玉笛
碎而人往雉裘委而身糜溘朝露以同盡積為怨而難舒至如

李陵窮幕王衍排墻弔影奪魄名隕心愴慚塵尾之刻玉羞雁
足之裂纒求牽犬兮故里咏落日兮北梁華榭云覆金穴何常
頽白日以無色入修夜之不揚若夫二京學士五都游子脫畧
公卿跌宕文史驅征馬而不前傷搖風之四起似輕絮之颺絲
類弱鱗之失水鬱青霞之奇志獨快抑而誰語况復君涉江波
妾溯交湖望子衿而不返矣放子去而煩多哀拍留聲於文姬
新箏寫恨於羅敷紫臺夢香江南草枯感別離之萬狀淒雨散
而烟哀更有孤臣危涕烈士墜心屍懸馬革血洒乘塵霜張其
志日貫其精勵勁節于歲寒守如石之筠貞慕嵇下之避躅漸
翻：而結纓彼閻門之殉死寶鉄中之錚：原金陵之始禍蓋
蕭牆之內起上游悞楚甲之乘天整逐胡馬之濟十五國之止
恩焉十六王之宗不祀漢老想司隸之儀南人望壽皇之址痛

麥秀於殷墟泣山河之異王朔弓學月弓心胆寒朔刀凝雪弓
骨月凜
蒼則七量合圍海潮則三日不至歎東舟之已膠何南風之不
競雖復荆有七澤揚阻三江曾無泚水之捷屢效石頭之降河
方堅而騎斷楫未擊而雞荒冤霜秋落憤水秋長天之所廢其
何以昌昔天下之一家倚東南之藩蔽自付託之庸邪舉江淮
而全棄信辭鄉哀賦兮機入洛而榮著卿僧佃以娛憂兮觀江
南之變態

補艷骨行 吳京

至元初江浙平章阿魯只班子婦以乳死歸骨於其鄉西湖北
山僧黃龍老人作艷骨行事載邵衣聞臨安雜志中今其辭亡
矣嘉善吳京補之留山中以貽好事者

彩珠天上墜華月掌上珍萬里陰山雪一枝瓊樹春陰山直北
飛蓬逐海上迤東晴沙蹴烏孫公主戀玉門漢家明妃厭金屋
麗人獨立穹廬地深閨長養旃裘族名花寶帳白晝寒異香錦
幕清夜燠長白山頭瑤草暉鴨綠江口蜻蜒飛關氏始得泣不
得秦王仙祠未歸朝辭名王聘莫邵翁侯婚膏髮明璫潤慵珠
暗袖溫門庭設蘭記壁戶塗椒蕊屏映于飛窓選中連理簫
弄朱離秦鵲填初度水一雙翠羽鳴三五金波始翠羽金波夜
復朝銀笙錦瑟晚連宵吳宮闌草吹香佩魏苑彈碁拂畫絹午
金舞買青衣笑百排歌徵小史妖嬌歌艷舞惟不足握槊藏鉤
戲相促填門車馬多貴臣綠鞵丹靛座上賓記與客語試公子
罷就婦飲真天人盈天街飛皎娶女津一朝旣賜秋風起
十萬控弦紫電指將軍開府浙江頭夫婿承恩官舍裡携家迢

迢入紫闈金僕如抽壁玉弓鳳子冠搖碧條脫龍媒羈煖普連
環南國徵書棘西園宴賞開園中桃李鬪春妍湖上清明放鷓
天寶馬香過烟岫寺錦帆花出畫橋船歸來明月蓮花炬醉照
華堂燕子幾夢中小、不知愁函裡真、自起樓紅豆新聲翻
鬢粟青琴 手劈篋篔簹塵龍女拂照骨威姬驅橫波賭射嬌
分鏡感處爭競泥占散長夏成陰綠樹好瑤階手種宜男草侍
兒私語記紅潮入月停煎質房老玉杯金盃索即將綉圍翠屏
不自支水晶菡萏葡萄夜玳瑁梧桐橘袖時嗔啼顛怒重無聊
鳳 熊走空相嬌自茲禍起如翻水遂令服食同迴颯初就增
管未整政君翹冰桃雪汁琉璃餅火枣霞漿琥珀盃西池王
母覈仙書南嶽夫人降鳳車鳳車何歲凝雲璣正香冥瀛海風
冷、聚窟香烟、温明秘器賜東園南方滴甲龍魚軒雪肪紫

錦苑花洞玉匣珠襦青鳥幡青鳥青珠照青閣桃花桃浪弔桃
箔鴻都道士訪太真上林神君見宛若南枝越鳥啼北風代馬
嘶紅顏一旦化旅兔國俗由來重歸國六甲朝煉形三官夜考
魄玉棺啟視儼明粧丹晨含笑露幽芳芝焚蕙剪燮蘭薪鶴馭
螭飛駕鳳麟鎖子九霄烟磨尼五色露金膏百和拾空青錦疊
千雙晨宝璐大招遙邊塞北山選日發引江南路傾城鞞韃蓋
貂蟬導馬龍貅畫鼓簫碧雲車洒神靈雨素奈花簪士女髻經
梁復經梁渡深復渡遠、山空水歷平野罽帳毳廬扶驕馬已
矣玃魂歸來雪磧晨寄穴冰天夕築臺風姨掩袂動月姐濕纓
哀服匿承肌酪留犁薦乳酪珠琲酬送使繒絲資輿臺黃金千
百鎰都護跨驄回



